

敬業堂詩集

冊七

敬業堂詩集卷三十一目錄

直廬集

元旦 太和殿早朝

上元節西苑 賜宴觀燈恭紀

是夕復侍宴 東宮蒙賜玉盃恭紀

春分禁中兩

次韻答吳西齋四首

送同年蔣西君假歸嘗熟迎養太夫人二首

暢春園早桃四首

三月二十五日 駕幸西苑直廬恭

紀

三月二日 上御經筵恭紀

西苑上巳呈同直諸君

三月四日 賜食榆錢糝恭紀

送陳陟齋都諫請假歸里卽次留別原韻

寓園紫藤花同紫滄賦

偕同年何屺瞻過古藤書屋時藤花

方盛開賦呈楊玉符孫松坪兩前輩

題學士姪柳邊歸院圖二首

送劉雨峯出守真定

送掌詹陳乾齋前輩 予假省親四首

池上雙鶴

恩賜哆囉雨衣恭紀

五月朔 賜高麗米糴恭紀

送許不器赴任陳留

送張裕齋郎中出守杭州 苑中聞鶯

五月二十六日喜雨

雨後暢春園池上作

題陳允升塞外牧羊圖後四首

大雨下直至自怡園

題蕉士上人扇頭墨竹

移寓城南道院納涼

玉簾橋觀荷花和張研齋前輩

雨中獨直 南書房

大雨出前門口占

送陳子文出守石阡八首

恭和 御製山左豐年歌原韻

伏讀 御製山莊書懷 賜大學士

詩恭次扇頭原韻

疊納涼韻戲答俞扶九侍御

古詩四章上座主孝感相國壽

王學菴給諫移寓保安街有詩見寄

次答二首

得朱悔人石泉書却寄

奉祝崑山徐太夫人七十壽

史蕉飲前輩招集一畝園分賦

月夜城南水閣偶集分韻得白字卽題陳濂村峨眉詩草後

題史耕巖前輩收綸轉棹圖四首

熊質均年伯五十壽

陳濂村新闢書屋名曰萍廬中秋後二日招同人宴集分韻得明字

送靖安叔歸硤石三首

總憲蔣裕菴先生挽詞二首

大宗伯長洲韓公挽詞四首

題吳震一中翰詩藁後

東宮召赴西苑賜觀

皇上御書匾額大小二十有九恭紀七律八章

恩賜新刻

御製詩集恭紀二首

恩賜御園十種蒲桃恭紀

十二月十九早奉

東宮令南苑冬夜寒甚偶見硯池結冰以硯池冰爲

題汪灝錢名世查慎行蔣廷錫四人可各賦七律一首又自製七律以

示改正雪明書幌易生寒水靜圓池墨未乾乍結琉璃漆硯裏自成珠

玉彩毫端微涓倍有清瑩色一滴還深碧錦湍凍釋烟雲浮几上須知

下有黑蛟蟠

臣

慎行恭和

十二月二十日奉

旨特授編修感

恩恭紀四首

除夕前二日 恩賜御書大福字恭

紀

恭和 御製除日晚宴原韻

王學菴生子走筆賀之六首

奉題少詹彭先生捫腹圖

應 皇太子令詠白杜鵑花

見可亭姪新柳詩偶作一首

祈穀壇西北積水十餘頃四時不竭每旦有羣鳧游泳其間因名之曰野

鳧潭口占一絕

和周蘊菴都諫閒居雜詠兼簡學菴

西齋四首

下直偶過學菴齋明日學菴以詩索

和次原韻

南海子

南紅門接 駕歸途喜兩

五月初九日 上御淵鑿齋召大學

士_臣 玉書_臣

廷敬工部尚書

鴻緒學士

升元

昇

壯履

原祁

編修

瑄

廷儀

廷玉

名世

慎行

廷錫等入至雲步石

賜

坐賜饌畢人賜荷花一瓶隨

命由蕊珠院延貴樓泛舟回直廬感

恩紀事恭賦七言律詩四首

題費曉城同年牧牛圖

送陳秋田宰荔浦

敬業堂詩集卷三十一目錄

注所以遠賢良文學之臣余不才初蒙

出入

以名榮者斯自受職之歲始用

元日

又據宛類度是橋在

故南開其第一

上元如西苑

三

三

三

王... 太子... 皇... 皇... 皇...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

皇太子... 皇太子... 皇太子...

敬業堂詩集卷三十一

海寧 查慎行 悔餘

直廬集

起甲申正月
盡乙酉五月

直廬之名出漢書嚴助傳注所以處賢良文學之臣余不才初蒙特召
出入禁林已踰年矣今乃取以名集者斷自受職之歲始用彰恩遇且
以志愧云

元旦 太和殿早朝

火城宛轉度星橋香殿葢葢接慶霄黃繖綵旂龍影動玉笙金管鳳音調五雲

淑氣開蕙葉一日春風曳柳條前一日
立春鷺綴鴛分真忝竊正衙初預德陽朝

上元節西苑 賜宴觀燈恭紀

瓊島東瞻璧月圓節韶吹徹九重天壺傾瀲灩金尊溢盤貯芳馨玉饌鮮絳蠟
班隨中使導黃柑例許侍臣傳太平時節觀燈宴既醉惟當祝萬年

是夕復侍宴 東宮蒙賜玉盃恭紀

曾從繁露記書名 鶴禁傳看分外榮
照座欲分鐙影燦入懷長並月胎盈舉
同彝鼎 恩加重刻作雲雷製倍精珍
重捧歸須什襲濁醪難向此中感

春分 禁中雨

小雨流鶯外濛濛紫界牆不知春過半
但覺日添長白髮趨 中禁芳時感異

鄉多煩玉階草為我報年光

次韻答吳西齋四首

青韶同調半衰遲久缺題襟唱和詩
自詡狂呼袁彥道難忘好客鄭當時
長繫

列幕慚分照小蹇衝泥倘借騎巷北巷南曾咫尺
余借寓與西齋僅隔巷 却從離索想追

隨

二老居隣共往還 謂楊玉符孫松坪兩前輩
舊遊歷歷咲談間牆頭過酒傳鄉語
花底移床

夢故山万事無如長耐冷一官何計便投閒
舉朝才筆輸吳質借職猶堪押右

班

不須作賦擬文通好步詞場繼國風
後輩揣摩工日下故人傳寫到吳中

時蔣西君

乞假將歸 碧香開甕春浮白翠袖分燈夜剔紅怪得近來貧轉甚俸錢多半給新豐

江湖一別悔難追誰遣閒鷗拂鳳池玩世何妨資客難低頭聊喜得吾師同時

領袖推東省時考選臺垣吳名在第一異代文章替左司吳官戶曹時有左司筆記一書若向此中論臭味

莫言萋楚竟無知

送同年蔣西君假歸嘗熟迎養太夫人二首

泥金纔報隔年春畫繡還迎白髮親同榜科名傳盛事世家書畫起文人桃花

漲後移舟穩魚藻池西 賜宅新行前一日奉賜宅於西華門內好片尚湖烟雨色 詔恩

猶許住三旬

齒序肩隨別有情多君事我竟如兄直廬並候花磚影奏帖常聯紙尾名小立

宮槐曾繫馬重來禁樹已藏鶯卜鄰預擬同王翰家聲山與西君比隣賜宅 不為登仙羨

此行

暢春園早桃四首

記曾元夕醉香醪冰雪千林吐白毫今日重來雲錦換十分春色屬山桃

萬樹垂楊未放青餘寒猶勒水邊亭天然掩映成圖畫橫展西山作翠屏
浴日搏桑躍海東滿天晴色曉瞳矐仙山樓閣無重數只在紅霞一朵中
烟輕霧薄景遲遲金碧圍中四望宜忽憶江村寒食路竹梢低拂兩三枝

二月二十五日 駕幸西苑直廬恭紀

翰墨林依 紫苑東親承步輦出芳叢萬間廣厦移天上時直廬新經改築上顧臣等云此屋比

從前更覺 三接 深恩沛禁中身作紅雲長傍日心隨碧草又迎風直廬便是

披香殿月賜虛慚赤管功

三月二日 上御經筵恭紀

雲日瞻 堯表疇咨啓 舜編誰能窺 聖學猶不廢經筵芳宴調羹撤花瓷

淪茗圓是日停止筵宴諸臣皆賜茶而退 講官仍入直縈袖有爐烟講官工部尚書臣鴻緒掌詹臣元龍講罷仍入南書

房

西苑上巳呈同直諸君

上巳接清明韶光滿苑城曉烟和柳重夜雨為花晴節物春長好年芳老自驚

兩三修禊伴閒話水邊行

三月四日 賜食榆錢糝恭紀

天上星榆歷歷看春風吹綻小團圞柔條摘處青成串新火烹來翠滿盤槐葉
冷淘難比色藜羹舊糝記同餐他時誇向田翁說此味曾經 賜大官

送陳陟齋都諫請假歸里卽次留別原韻

袍笏同朝萃一家歸心偏愛故園花清時 衰職無遺闕祖帳都門有嘆嗟隔
岸黃塵車歷鹿渡江新月櫓伊鴉到時親友如相問爲道題詩字半斜

寓園紫藤花同紫滄賦

不計千枝與万枝玲瓏巧透竹笆籬圍屏倚翠成宮錦步障留陰護紫絲蔓引
龍蛇皆上走花披瓔珞總交垂家園手種應如儻忍負東風爛熳吹

偕同年何屺瞻過古藤書屋時藤花方盛開賦呈楊玉符孫松坪兩前

輦

高出檐牙又幾層濃陰特比昔年增重揩霧裏麻茶眼來對堦前老大藤一片

黏須猶待拂千梢壓架恐難勝祇應火急催新句莫謂先生病未能

時兩先生皆抱微病

云故

題學士姪柳邊歸院圖二首

一條虹影亘長隄玉螭橋邊響月題緩轡不愁歸路遠移家新傍禁垣西

入直常先下直遲風條雨葉裊鞭絲自從賜出飛龍殿

宋時翰林學士例賜飛龍殿馬

不向

東家借馬騎

送劉雨峯出守真定

我初遊學來帝京漁洋夫子官司成君時實助四門教相臨以分稱師生衆中

期許良獨厚洒脫不用常格程過從往往得一醉叩發談議交縱橫感君磊落

有真意憐我遲莫方成名五言投贈竟長幅氣韻適逸聲鉤鏗迴環首尾二十

載我鬢漸白君顏頰郎潛索米豈不久一麾出守今專城風前五馬五騏驎叱

馭快作西南征橐駝載書車載酒綠楊夾路聞鸚鵡常山古郡接畿輔沙泉瀏

瀏欣相迎紅蕖繞郭雲錦爛白鷺下浴滹沱清行人六月汗如濯過此盡愛徐

徐行誰歟妙手爲補繪鈴閣何必非蓬瀛我今一官苦羈鞅欲往相就心搖旌
中山釀熟幸郵致毋令肺渴枯腸鳴

送掌詹陳乾齋前輩 子假省親四首

夜聞 優詔下承明 特許朝來拜表行親老詎應虛子職 天高原自近人

情道存養志歸非晚風動旁觀感亦生欲識掉頭瀟灑意浮雲直似從官輕

賓僚地望冠班行直上頻依 講幄旁星漢文章唐許國臚雲名第宋安陽

兩宮召對無虛夕 三殿搗毫有報章誰似先生饒至性最承 恩日乞還鄉

曾踰旱海紀開邊出入聲華孰比肩館閣清才傳子弟蓬壺歸路著神仙望雲

地較瞻雲近捧日心隨愛日懸更喜一門多盛事春帆相望五湖船一月前令

假先

行 粉榆鄉社舊居隣華髮趨 朝接後塵新樹忍攀東岸柳殘鶯猶戀上林春半

綸投老知何日八座還家羨有親總道名園成獨樂十年書局尙隨身時奉

歷朝賦彙三百
餘卷還家校刊

池上雙鶴

長鳴相和兩仙禽多在陽坡少在陰偶向清池閱照影被人猜有羨魚心

恩賜哆囉雨衣恭紀

短褐頻趨道路塵青氈猶是向來貧為憐襪襪隨朝士特賜哆囉出尉賓燥濕推恩慚厚庇短長稱意荷終身從今聽雨聽風候倬直堪誇楮楳人

五月朔 賜高麗米糴恭紀

清暑初交殿角風又傳節物近天中靈符舊繫千絲縷玉粒新頒五采筒青

蕝香分菖葉綠銀盤光射石榴紅雲帆不却三韓貢拜 賜還教紀 祖功

云此米本出高麗自太宗朝歲貢百石為端午上供

送許不器赴任陳留

風俗陳留好猶傳一縣名人耕莘野徧水入汴渠清百里才非小三年政必成

舊遊高李盡相送倍含情 乙亥秋余曾遊梁宋間故云

送張裕齋郎中出守杭州

海宇久昇平，朝家重民事。吾州繁劇郡，牧守詎輕寄。相國門多賢，先生乃其季。
起家科第中，敷歷非初試。銓除例引見，人地有易置。天子稔公才，臨軒親簡
畀。羣情翕然服，公望茲果遂。賤子本州民，田廬依廣庇。抒懷述所見，幸勿芻蕘
棄。餘杭一都會，舊習沿浮侈。賓筵糜酒醪，徵逐共遊戲。東南際江海，隱現魚鹽
市。黠者半爲商，羣羣驚聲利。泉絲雖土貢，耕紡業間墜。往時櫛比場，十室減一
二。士風最柔弱，氓俗鮮倉積。去聲好訟其性然，因緣飽胥吏。舞文翫吾法，嘖咲巧
窺伺。所以古相傳，陋邦號難治。我公朱轡出，福曜光燭地。才大實恢恢，心虛恆
惴惴。平生開濟量，夙昔澹泊志。道路方欣瞻，風聲已先駛。星羅九屬邑，催科兼
撫字。公行示以廉，表帥勵下位。百族豐確殊，噢咻同體視。公行示以儉，變化需
漸漬。必若釐蠹豪，先須扶善類。弊當去太甚，利或興以次。洵知鸞鳳仁，遠勝鷹
隼鷲。公餘愜雅尚，山水領幽致。開閣挹清虛，褰帷納空翠。澄泓千万頃，高下三
百寺。日爲湖上遊，原不廢填委。吟賡白蘇什，手續歐梅記。寧待報最期，竚看
璽書賜。

苑中聞鶯

書與人聲靜牆兼晷影移四圍千碧樹百轉兩黃鸝
堪熟蠶應老芒疎麥正垂未聾雙耳在爲爾立多時

五月二十六日喜雨

前夕齋壇撤醮回西郊今日忽聞雷一軒傍水看雲起
万木無風待雨來聖與天通終應禱人言旱久未成災
願敷甘澤沾濡意膚寸崇朝徧九垓

雨後暢春園池上作

林亭片雨過万綠濃於染葉杪滴殘聲波紋蕩餘點
暑景猶未徂涼風遽相感平生微尚在老去孤蹤忝
復此坐幽清自然塵慮澹

題陳允升塞外牧羊圖後四首

誰護儲胥峙糗糧開邊端合用陳湯卽看士馬歡騰後
宴犒猶餘万角羊鞭策曾趨萬騎先鏡鉦親扈六飛旋
當初應咲核中監雪北蒙氈十九年橫草功名一劍看
牧羊何似牧民難郎潛此日憐頭白辛苦邊州兩政官

春草如秧際綠蕪，駢羣何日首歸途。一蓑烟雨村南北，添寫巾箱考牧圖。

大雨下直至自怡園

急雨催歸騎，虛檐警夕聽。勢沉三徑竹，漚散一池萍。穴蟻緣林木，跳蛙入戶庭。最宜新浴罷，坐看鶴梳翎。

題蕉士上人扇頭墨竹

老僧指上微涼起，攜入先生懷袖中。好是綠筠亭上坐，墨光含雨筆搖風。

移寓城南道院納涼

不信人間有鬱蒸，好風來處晚涼增。滿城鐘磬初生月，隔水簾櫳漸吐燈。書少只宜高閣度，牆低聊當曲欄憑。白須道士休相避，我已身如退院僧。

玉竦橋觀荷花和張研齋前輩

水風涼透鷺鷥肩，一鏡爭窺万柄蓮。不是玉樓金殿影，直疑身在過湖船。

雨中獨直 南書房

窅窅九重關，沈沈萬壽山。雨來聲更靜，天上坐能閒。寓意同休沐，浮踪信往還。

御溝新漲急歸及聽潺潺

大雨出前門口占

猛勢如潮欲撼城九衢暴漲一門爭去年六月灤河北雷轉空山是此聲

送陳子文出守石阡八首

橐筆多番到直廬墨淋漓灑玉蟾蜍一麾自擁君恩出礮石先應刻御書

君為部郎時屢召赴南書房
作行楷書前後再賜宸翰

瘦嶺荒江路七千一家迢遞向蠻天不知賒布巴賓外可有公畦太守田用南史伏

事

烏道中開斗大城耀歌處處合蘆笙風流郡伯褰帷入赤脚花鬢次第迎

清香晝靜雙枝戟戟碧樹春垂小桁簾預算鈴齋無俗事一泓冰鏡照吟髯

碑版光傳照裔文臨池妙手繼鵝羣翻防訟牒紛難却判尾爭先乞使君

四十年來好弟兄夢中曾共躡蓬瀛子文初赴選夢與余兄弟同入朝已而果驗白頭岐路天南北

忍便恁恁賦渭城

短衣猶記走邊頭，烽火遙連古智州。今日故人乘傳去，太平時節話前游。庚申辛酉

余在貴陽幕府故及之

宦蹟知從歷政深，單裝寧肯負初心。歸舟不載葵花石，要使清名過鬱林。石阡府志

城南龍洞有兩石如盤形類葵花洞中產紋石俗名醮果任人賞玩不得攜歸

恭和 御製山左豐年歌原韻

周官荒政皆仁政，散利恆先重民命。平時蓄衆道維慈，臨事承天心以敬。五行疇範推皇建，九扈農祥視晨正。堯湯水旱其數然，補救由人乃前定。吾君御

宇軫卹頻流膏沛，潤沾幽淪厚培亭。毒煦春律峻極穹，蓋函秋旻偶逢小。嘗占俗儉特渙，大號調吐貧開倉。立發千萬億，遣吏徧荷咨。諏詢飛鴻在野集，在

澤六府九紀咸平均。東人誰能忘帝力，艱食俄聞奏鮮食。禾苗長畝二麥登，鼓腹依然安作息。向來睿慮每宵衣，至是天顏同霽色。明朝尺一傳山莊，

帝庸作歌庶事康。太平有象省惟歲，飢溺已拯猶如傷。豳風十月獻朋酒，羣祝萬壽期無疆。可知先憂後樂意，覆載莫媿恩難量。小臣矢詩紀上瑞，更願岳

牧勤官方

伏讀 御製山莊書懷 賜大學士詩恭次扇頭原韻

雨暘時若驗陰晴無逸 心周稼穡吐夏壠已聞收翠浪秋場旋見擣紅粳

仁風被賜先元老喜色騰懽徧列卿共識 宸章難仰答太和元氣在咸英

疊納涼韻戲答俞扶九侍御時同寓道院

晨烟夕靄氣蒸蒸秋水門前幾尺增止酒免償隣負債施油催點佛龕燈嫩莎

院落晴聯步獨樹軒窗雨對憑寓庭有白楊一株 除却入朝須起早兩鰥何事不如僧

古詩四章上座主孝感相國壽

火維靈奧區灝氣恣磅礴洞庭匯溟滓石廩聳寥廓五百應昌期元精鼓橐籥

大儒乃篤生作鎮配川嶽恭惟我夫子異采輝井絡曳履上星辰訐謨重帷幄

迴翔密勿地獨力幹樞略立極奠六鰲清剛礪鑣鏗道原幸有賴不數平津閣

正學日淪替百家紛語言我公實聞知洙泗窮淵源妙窺千聖祕月窟兼天根

理障快掃除煥如朝吐噉發揮為事業突兀搢乾坤峨峨千丈松迥立無攀援

經邦實致治吾道中行存

勝國史未成簡編就殘脫門戶互排根文獻恐澌沒

聖朝樹立遠損益鑿前

轍大筆待鉅公是非辨毫髮六館既弘啓四部亦燦設貫穿三百年搜抉十萬
帙迢遙溯開創細瑣逮季末非公習掌固何由發囊括獨成一代書凜凜陽秋
筆

贊化非一塗調元歷三紀朝端立樞極爨下收杞梓五度入南宮 至尊深倚
毗請看百僚上盡屬門牆士一歸出懇誠進退鮮愠喜重來資啓沃未許久田
里公之視浮榮奚啻若敝屣角巾就邸第寢食善名理上日攬揆辰川流同岳
峙采芝猶有待傳菊煩中使平格天所豐稱觴今以始

王學菴給諫移寓保安街有詩見寄次答二首

吟檢空囊付畫叉不妨家具少于車篋中諫紙傳新草
唐制拾遺官月給牆角紙二百張名諫紙

博望查

學菴兩任
黔粵縣令

輓轡縵轉石欄邊
傲屋曾棲蒲褐禪
余壬午癸未間會傲居此街
古井再經愁雨塌
舊交重

聚得天憐明燈照壁何愁蠹
綠樹當門定有蟬
稍待泥乾走相覓
看君新竈起

茶烟

得朱悔人石泉書却寄

蛛絲繳繞鵲聯翩
信使來從古石泉
躡足憐渠行万里
尺書報我閱三年
天垂馬閣真奇險
官到龍州類左遷
相勸白頭須作達
好詩題徧好山川

奉祝崑山徐太夫人七十壽

早相中朝黼黻臣
晚攜麟鳳拜恩綸
五千歲裏三秋節
二十年來八座人
星漢高源占寶婺
門牆餘蔭在儒紳
黃花酒暖金桃熟
遙指西池是海濱

史蕉飲前輩招集一畝園分賦

踏屐衝泥取次行
重來忽漫聽秋聲
空園樹比昔年老
積雨天逢今日晴
世上官情閒最好
詩中澹味煉難成
韓家潭外如鈎月
愛領新涼到鳳城

月夜城南水閣偶集分韻得白字即題陳濂村峨眉詩草後

高閣倚秋清。天空露華白。水風吹月上去。我若咫尺。此時一尊酒。遠致三峨眉。稍稍召朋儔。羅羅釘肴核。盍簪非意料。邂逅心莫逆。君生公相家。名上金閨籍。七年行蜀道。尙爾好顏色。懷袖有峨眉。雲烟落几席。茲山洵僻左。迴與中原隔。鬪險出五丁。蠶叢始開闢。君才雖小試。實佐籌邊畫。談笑無滯機。登臨挾仙翮。徑危蛇倒退。石惡劍中劈。日月光攝身。雷霆伺投隙。雪山帶西竺。万里赴絡繹。豈非所歷高。參井手可摘。不然域外觀。詎肯供汝役。人生百年內。知著幾兩屐。柰何塵鞅羈。踴步恆跼蹐。哦詩撫清景。不醉良可惜。努力營一歡。流連盡今夕。

題史耕巖前輩收綸轉棹圖四首

銜尾船裝壓浪書。鱸鄉風物比何如。羨君別具經綸手。釣綫隨身自卷舒。
賞花曾記把魚竿。南史家傳學士冠。四十年中三掌誥。鳳池何似五湖寬。
拍殘銅斗酒初醒。射鴨堂連避暑亭。想得卸帆秋正好。水花風葉滿鷗汀。
千里波光一曲移。西風吹老碧莼絲。畫圖愛寫湖山意。未是先生乞賜時。

熊質均年伯五十壽

半百韶華九九辰重陽前一日紅萸黃菊一番新堂前接武尚書履膝下承顏進士

巾次君與余同年風月無邊邀客賞齏鹽有味愛官貧時官國子學正盈觴酒美須勤置共識

清醇似主人

陳濂村新闢書屋名曰萍廬中秋後二日招同人宴集分韻得明字

名園十年別乙亥夏與濂村共醉高陽相國園亭蜀道万里行自爾好會稀轉頭歲嶢嶢聞君昨

報最還裝及秋晴相公顧之喜東閣客已盈吾老不曉事頽然厠羣英開筵亦

見招謂是門下生坐我三間廬酌以一角觥為言聚散地遠近豈有程點池忽

西東浮海或合并所以顏此室而取萍為名吾意殊不爾勸君還細傾君才本

謫仙偶然去瑤京玉堂手種樹再到陰已成况復芝蘭堦連枝合田荆謂潛齋學士

胡為不自廣猥作詩人鳴如余乃萍耳一葉漂大瀛舉頭望秋空雲月遞微明

後期難預必得句且再賡

送靖安叔歸硤石三首

畫鼓朱旗曉日開廣場千步淨無埃紫光閣下通名姓曾與天潢較射來紫光閣在

玉嶼橋西南武殿試日 皇上率 東宮 諸王先升御幄步射畢諸進士乃排班

文武家聲荷 主知右班特許綴蛾眉一門盛事傳希有親見穿楊入彀時叔

殿試日余與聲山姪俱奉特旨賜坐西班觀射時以為榮

最喜高堂有老親還家初換綵衣新兩山霜葉紅於錦馬上爭看第一人余家

科登第者自叔始

總憲蔣裕菴先生輓詞二首

副相聲華重恢然德宇宏青雲多故吏黃閣是門生相國桐城公出先禮闈分校門下氣壓松

阡肅霜留柏府清憲臺傳故事存沒備哀榮

帝里移家久堂開綠野宜庭惟栽玉樹坊亦號靈芝卿月流丹旒商飆卷素帷

薤歌聲咽處慘動是南司

大宗伯長洲韓公挽詞四首

昭代文章伯精靈造化鍾同朝瞻進退上 殿畫儀容獨具回 天力羣歸秉

禮宗逍遙歌曳杖泰岱忽摧峯

五雲臚唱後八代起衰時制藝 東朝讀皇太子手選先生制藝文一冊曾出示慎等 才名四裔知

直惟憑 帝鑒清并畏人知物望關存歿非公更屬誰

昔去絲綸地還 朝又十年高風仍館閣雅尚自林泉一病歸難料先生以病乞歸奉

旨留京調理 初心老倍堅尚餘毫髮恨悵望五湖船

折柬曾蒙召扶床得幾回泥塗遲下直函丈失追陪七月二十日公病間手札見招是日慎行下直稍晚

不及趨赴遂成永訣 遺墨真堪寶藏緘忍再開寢門纔隔月今為哭公來

題吳震一中翰詩藁後

張介山山論交付剎那吳均風義老研磨芸香俸校三年淺藥樹吟成五夜多

白樂天禁中夜直詩藥樹陰中惟兩人 妙手不妨偷格律長才倘肯乞餘波一樓準約山邊住山邊

一樓震一舊以名集 拍手猶能作和歌

東宮召赴西園賜觀 皇上御書匾額大小二十有九恭紀七律八章

元氣淋漓万象融欣瞻 宸翰闢鴻濛瑤源珠海來仙島鳳翥鸞翔下 震宮

光射臨池知浴日筆隨運肘想生風一時喜色關飛動嵩祝齊傳抃舞中

爐烟直上護氤氳松棟虹梁燦欲分殿閣香風浮墨氣河山秀色映天文畫

傳義易籌圖祕 念切周詩稼穡勤御書知稼軒無逸齋共紀本朝家法古書屏銘座付

儲君

真覺謙尊道益光謙尊堂亦御書匾不名宮殿但名堂擘窠寧羨書飛白響榻難撫紙

硬黃 賜出形模隨大小琢成體製合園方吾皇慈愛青宮孝欽仰時親黼

座旁

到處黃金榜 御書太平堂構慶端居晨曦燭地光相並列宿周天數有餘大

業時時遊藝圃嘉名一一取經畬日知舊額重鈎勒開卷猶思出閣初日知堂皇太

子初出閣時上所賜額也今移入苑中

翠籩東連紫界牆林泉交映藹秋方 龍樓問寢宵常早 鶴禁娛暉景正長

藻井非烟呈五采璇題如鏡啓重光凌雲百級丹梯上頭白應嗤老仲將

万丈光芒出檻前煌煌禁扁稱高懸 堯階茅土原同儉 文囿風光共一天

玉案浮花開漆硯銀鈎寫月向澄川凡魚欲作鯤鵬化 御墨吞來骨盡仙

筆陣縱橫氣總降 帝書亘古擅無雙 九苞翹羽連翩起 万斛龍文獨力扛 迸

散繁星懸兩曜 盡收千派納長江 人間欲見曾多得 轉幸身依青瑣窗

茫茫學海望無涯上 殿恭承異數加 目炫管中窺日月 夢回衣上帶雲霞 歐

蘇小記榮天藻 羲獻真傳屬 帝家愧作玉皇香 案吏難濡柔翰繪光華

恩賜新刻 御製詩集恭紀二首

宵旰孜孜四十年 元音和暢在詩篇 天章久與絲綸播 御集新成琬琰鐫

逸韻鏗金還 戛玉祥風戶 誦復家絃關 雖麟趾胥王化 詩教原推雅頌先

武功文德並宣揚 間采風謠到 省方耕鑿万方民 擊壤簫韶九奏 帝垂裳

典謨媲美尊虞夏 花月成篇陋漢唐 拜捧 瑤編還惕息 難憑諷詠答 恩光

恩賜御園十種蒲桃恭紀 十種者一伏地公領孫二伏地黑蒲桃三伏地瑪瑙蒲桃四哈密公領孫五瑣瑣蒲桃六

哈密綠蒲桃七哈密紅蒲桃八哈密黑蒲桃九哈密白蒲桃十馬乳蒲桃

上林名果味芳鮮 采摘均從雨露邊 色借紫青相照曜 顆分大小各勻圓 流來

馬乳香先喫 釀出龍池品 盡仙便與櫻桃同 飽食紀 恩難罄益州棧 成都十樣箋

十二月十九早奉 東宮令南苑冬夜寒甚偶見硯池結冰以硯池冰

為題汪灝錢名世查慎行蔣廷錫四人可各賦七律一首又自製七律

以示改正雪明書幌易生寒水靜圓池墨未乾乍結琉璃漆硯裏自成

珠玉彩毫端微涓倍有清瑩色一滴還深碧錦湍凍釋烟雲浮几上須

知下有黑蛟蟠臣慎行恭和云

研朱滴露一泓寬喜見冰花結作團粉色映箋雲母白墨光鋪几水精寒入懷

珠玉生奩底呵氣蛟龍上筆端計日東風先解凍詞源如海富波瀾

十二月二十日奉 旨特授編修感 恩恭紀四首

綸書璀璨下 金鑾同直三人並授官同日被 旨者汪灝蔣 廷錫及 臣慎行共三人湛露九重頻渥

澤條冰一署不知寒登瀛路許迴翔入翰林舊制庶吉士俱於二門外 下馬授職後乃騎馬入登瀛門藏閣書

容次第看總是鰲峯清切地渾忘弱羽蓬鷄鸞

玉堂故事久相傳常吉多充弟子員支俸例教同七品隨班 特荷免三年庶吉

士例須教習三年再經 御試然後授職先是 臣等以供奉 內廷特免教習皆異數也身依香案初稱吏 詔賜頭銜不

待銓自沐榮光心竊媿愧居四十六人先

癸未科進士除一甲三人外與館選者四十九人余名在第二

螭頭龍尾上陂坳拾級重經拜 命過步接彤扉仍注籍名聯黃紙儼登科較

量前輩榮真冒比並同年幸最多章服不殊 恩遇異一行歸騎擁鳴珂

共道遷鶯傍上林姓名從此列朝簪身微彌覺 栽培厚地近尤蒙 教養深

應臘蘭芽初茁玉先春柳綫已拖金傾心一寸同葵藿長托堯階仰照臨

除夕前二日 恩賜御書大福字恭紀

景福欣逢介福辰自 天題處自 天申萬年鳳藻輝宸極一顆驪珠 賜侍

臣捧出 深宮榮並受懸同 御扁墨長新箕疇更衍無疆祝敷錫從知徧庶

民

恭和 御製除日晚宴原韻

景運循環紀始終年年嘉慶與民同鈞天律轉冰霜候大地春回雨露功 詔

許勳庸承曲宴時無水旱厯 宸衷小臣與凜豐侯戒既醉 恩深 聖訓中

恭讀 御製有平生 惡酒難堪飲之句

王學菴生子走筆賀之六首

以下乙酉稿

六十生兒似較遲，却緣難得轉稱奇。
芝田蕙畝從人說，瓊樹天生只一枝。

拾得

陳后山詩黃家生子名拾得

添丁未足論烏衣，餘慶自清門。
直同膝上看文度，抱子心

情當抱孫

諫草焚來盡

去聲

有書芸香何用辟，蟬魚先教識透之。
無字徐讀巾箱万卷餘。

雙眼摩挲喜可知，綠槐陰發去年枝。
待君添種三株樹，要看凌雲合抱時。

湯餅筵前客坐深，掌中擎出是瓊琳。
隔簾不用催絲竹，兒咲兒啼盡好音。

天上麒麟見未曾，他時摩頂記徐陵。
老夫自詡言多驗，身是人間現在僧。

奉題少詹彭先生捫腹圖

大彭遠祖商老錢，世家柱下爲神仙。
旁人見公腹便便，矢口但稱邊孝先。
我公稽古如力田，白晝那肯成高眠。
承明出入三十年，朝回日日手一編。
撐腸卷軸富五千，大筆無過許與燕。
兩宮顧問召屢前，官非不達學愈專。
綠衣有語然不然，先生咲指池上蓮。
誰其畫者調丹鉛，此意或向知音傳。

應 皇太子令詠白杜鵑花

鶴林花本神仙種名字雖同色不同一自根株歸閬苑獨留冰雪向春風披香

欲奪氍毹豔披香殿上紅氍毹蘇軾詠 勅賜休誇躑躅紅白居易詩一名山躑躅一名杜鵑花王建

詩勅賜一窠紅躑躅 謝恩未了奏花開 從此三更枝上月定無啼血染芳叢

見可亭姪新柳詩偶作一首

偶為長條作短行此聲不是笛中聲時清關塞無攀折路近章臺有送迎濯濯

應憐前度態依依長帶故園情春來縱得東風力莫倚纖腰便鬪輕

祈穀壇西北積水十餘頃四時不竭每旦有羣鳧游泳其間因名之曰

野鳧潭口占一絕

潭潭積潦浸城隈不長菰蒲長水落我夢江湖歸未得野鳧何事却飛來

和周邁菴都諫閒居雜詠兼簡學菴西齋四首

三間道院例支錢薄俸分緡月二十日日長閒銷却一燈歸照夜棲禪

芹泥融棟燕巢新小社回頭已過春我本無家一房客可憐飛鳥更依人

又作三年住帝鄉蕭齋有味是蒼涼牆頭山色門前水不忍移居過別坊
官曹西省連東省門巷青楊接白楊道是閒居閒不得得閒翻爲和詩忙

下直偶過學菴齋明日學菴以詩索和次原韻

綠樹陰中着兩矐夕陽移影過東隅唱酬互入新詩卷時學菴與元朗編刊掖垣唱和詩還往

猶餘舊酒徒謂西有子祝君苗在手十苗方在手想像秋禾未歸約我杖同扶

眼前事事關遲莫不夢橫溪卽柳湖橫溪余所居地名

南海子

千頃平如指掌收草蟲趨趨鹿呦呦騶虞囿小樵無禁鉤盾田寬麥有秋万柳
槎枒沿徑轉一渠曲折入牆流心同魚鳥便飛放愛作城南十里遊元時名飛放泊

南紅門接時駕歸途喜雨南巡回京

萬乘回鑾候三農望雨辰自天能潤物到地喜清塵處處溝渠急行行榆柳新
衝泥歸更好馬意亦踈踈

五月初九日 上御淵鑿齋召大學士臣玉書臣廷敬工部尙書臣鴻

緒學士臣升元臣昇臣壯履臣原祁編修臣瑄臣廷儀臣廷玉臣名世

臣慎行臣廷錫等入至雲步石 賜坐賜饌畢人賜荷花一餅隨 命

由蕊珠院延賞樓泛舟回直廬感 恩紀事恭賦七言律詩四首

身依 禁闈已三年天上方知更有天楊柳橋通星漢畔芙蓉檻繞 御床前

游同靈沼魚真樂聽到伽陵鳥亦仙雲步石邊聯步入臨流高下列芳筵

咫尺夔龍接武隨從容宣勸坐移時坐間屢遣內侍傳溫旨令臣等勿拘常禮烟霄畫入丹青動殿

閣涼生草木知有數遭逢關氣數無私造化荷 恩私苑門隔日先傳喚應是

今朝下直遲

詔恩半日許迴翔崑閬遲遲晝倍長貝闕珠宮環四際十洲三島儼中央翠屏

開處雲流影綵鷁飛來水拂香共識 天顏多霽色雨餘風物借輝光

玉井移根迴不同祕資人 賜一枝紅莖從新折流晨露蕊為含開帶好風擎

出榮隨丞相後攜歸香滿禁垣東此生直願依蒲藻長在烟波浩淼中

題費曉城同年牧牛圖

嫩草如秧水似油，雉疏閑放白蘋洲。
畫師最得華陽趣，不取黃金寫絡頭。

送陳秋田宰荔浦

一官万里赴昭州，人替君愁自不愁。
匣硯囊琴非俗物，丹梯碧落是清游。
九疑

路轉收帆驛入桂，風高捲幔樓真羨。
楊蘧挈家去，王程如砥接詩郵。

唐楊蘧曾到嶺外見

陽朔荔浦山水談不容口俄而求選彼邑挈家南去

敬業堂詩集卷三十一

敬業堂詩集卷三十二目錄

考牧集

扈從山莊避暑出都口占

雨後過懷柔城外

重出古北口

曉過青石梁新開路

鞍子嶺直廬庭西新設松棚

發黃甲營喜晴

詠金絲桃應 皇太子令

駐蹕樺榆溝特給官房止宿感 恩

恭紀

發樺榆溝從新開石梁至哈喇火屯

塞外草花暑月特盛同年蔣西君用橫幅寫七十餘種呈院長揆公以絕

句屬和四首

恩賜 御書扇恭紀

烏城立秋和同年佟淵若韻

立秋後一日 召遊行宮後苑 賜

宴恭紀十二首

敬題 御書東坡詩扇為法鴻臚作

賦得雲抱兩三峯應 皇太子令

詠佛手柑

恩賜 御書敬業堂扁額恭紀十六韻

七月二十四日五更發波羅火屯始有寒色

烏喇帶秋分日作前夕大雷雨昨日微雪故詩中紀之

度達陰嶺看紅葉

中秋夜薩勒巴里對月

八月十七日伊蘇河源雪中聞雷食頃開霽

隨駕行興安嶺上

連日扈從由雍安嶺烏蘭哈爾哈至

上都必拉觀圍恭紀八首

雪中戴青氈大帽上顧見大唉口

占紀之

隨駕閱視羣牧恭紀八首

恩賜上駟院馬一匹恭紀七言排律十六韻

上御帳殿南門

命侍衛試調生馬

召臣等同觀恭紀

雪後賜酥酒恭紀

行經獨石口外

下西巴里臺

即事

張家口

宣府早發

重陽下堡道中

入居庸關

彈琴峽

恩賜羔皮袍料恭紀

山莊雜詠三十首有序

丙戌上元夜 召入西苑觀千葉蓮

花燈恭紀四首

潤木弟授庶吉士二首

哭樊桐姪二首

敬業堂詩集卷三十二目錄

八月十七日伊蘇河源雲中雨雷金環

中秋夜陸島已里對月

八月十七日伊蘇河源雲中雨雷金環

連日尾從山難安後為額哈爾哈至

書中或竟能大揮上破見大嘆口

遊業堂詩集卷三十二目錄

一 遊業堂詩集卷三十二目錄

二 遊業堂詩集卷三十二目錄

三 遊業堂詩集卷三十二目錄

四 遊業堂詩集卷三十二目錄

五 遊業堂詩集卷三十二目錄

六 遊業堂詩集卷三十二目錄

敬業堂詩集卷三十二

海寧日查慎行帶悔餘

考牧集 起乙酉五月 盡丙戌四月 抄

余自癸未扈 蹕清暑甲申以纂輯韻府留京師乙酉五月復奉 旨隨

駕是秋撤圍後 萬乘巡邊別由雍安嶺渡庫勒齊河自此抵張家口乃

元時上都孔道今屬 上駟院慶豐司數百里間岡勢坦迤駝馬牛羊約

三百餘萬 上按程閱視指諭臣等云昔 太宗皇帝謂此地宜畜牧今

果蕃息若此遂頒 賜侍從大小臣工人各馬一匹羊二頭臣亦與焉又

四百里始入居庸關臣惟小雅之美周宣曰誰謂爾無羊三百維羣誰謂

爾無牛九十其犉我 國家考牧之盛不啻千伯倍之詩書史冊所載得

未曾有特取此義以紀盛事云

扈從山莊避暑出都口占

又是山莊扈蹕時 賜衣重著馬重騎邊人望幸經初伏閏歲 君王避暑遲

雨後過懷柔城外

火雲突兀壓城頭地近黃花古戍樓好是綠陂新過雨路平如掌接檀州

未重出古北口

烟火千家散舊屯饋漿野老候關門自言世得耕耘力黃犢年來又有孫

四曉過青石梁新開路

高入雲端俯作梁中間鑿石得康莊松聲落澗風泉合藥氣浮山露草香馬爲

重經成熟路人貪早度取微涼詞臣例飽天廚饍已有中官候道旁

鞍子嶺直廬庭西新設松棚

十丈移岩壑三間蔭苑牆有時松子落隨意乳毛香不礙流晨露尤宜障夕陽

天教人夏健何減北窗涼

發黃甲營喜晴

青浮翠積氣氤氳曉色俄從霽色分馬首已迎初上日雕翎猶帶未歸雲峯皆

似染供屏幃樹不論年絕斧斤曾記上番隨 蹕候灤河新漲隔山聞

癸未六月過此

連值
大雨

詠金絲桃應 皇太子令

裝束渾疑出道家川原何用覓紅霞偶分高士籬邊色仍是仙人洞裏花金粉
露涼朝蝶夢檀心香颭午蜂衙尋來莫怪漁舟誤比似桃源路更賒

駐蹕樺榆溝特給官房止宿感 恩恭紀

千帳連雲並出關受塵何幸預清班炎埃氣隔無三伏覆載 恩深抵萬間新
瓦鱗鱗宜聽雨短牆面面好看山風餐露宿原臣分每被殊榮輒汗顏

發樺榆溝從新開石梁至哈喇火屯

鑿開峭壁轉龍腰高棧中縈綫一條石吻仰歎泉作霧雲根倒拔樹干霄向來
紆徑千盤轉此去前村十里遙真覺太平民樂業山南山北盡漁樵

塞外草花暑月特盛同年蔣西君用橫幅寫七十餘種呈院長揆公以

絕句屬和四首

頻年隨 輦到邊庭自補山經及水經更借玉堂揮翰手兼收花草入丹青

折枝一派取阿那木本無多草本多六月塞山猶似錦不知春色更如何
莫嗔嵒鄭難為狀莫笑徐黃欠寫生到此始知天地大野芳無數總無名

風翻雨洗枝枝別儷白駢紅色色新誰似先生工體物好詩能發畫精神

恩賜 御書扇恭紀

聖藻光騰寶箠中五明開處潤濛濛招攜滿苑松杉氣披拂微涼殿閣風鵲羽

午搖炎熾散麝煤香迸汗珠融捧歸當暑先珍襲篋笥絨 恩託始終古今注

視聽求賢人以自輔作五明扇漢公卿皆用之拾遺
記周時外國獻丹鵲拾其脫羽以為扇名為鵲扇

烏城立秋和同年修淵若韻

万壑含朝雨千岩斂夏雲炎涼雖迥判晝夜漸平分爽自披襟得聲先隔樹聞

候蠱吟較晚高唱獨輸君

立秋後一日 召遊行宮後苑 賜宴恭紀十二首

銀河西繞翠微岡紫界東連宛轉牆一片樓臺先入望蓬瀛遙在水中央

天然圖畫引躋攀盡出 宸衷指點間岩壑不須多架構下因流水上因山

神川過雨氣溟濛沙土無痕井脈通欲識泉源深幾許
轆轤聲轉白雲中

坡陀幾曲接礬頭漸入仙源徑漸幽忽漫孤雲生兩角
小欄低檻盡如樓

煌煌 禁扁麗中天楹帖分題兩兩懸万丈光芒爭耀
眼不知旁有好山川

松鶴陰從積翠生泉蘿烟月一時清以上皆御扁名每經
御墨留題處記得旃檀別

殿名

帶峯傍石布芳筵夾岸鏗鏘奏管絃山水清音消不得
况從 天上聽鈞天

一道清流合兩河醴渠中有半開荷分明太液池邊種
重沐 天家万里波

插架排籤滿禁林 御床左右列森森行宮仍是圖書
府清暑時時惜寸陰

水精簾幙綠莎茵行過星橋別有津除却澆花無汎掃
就中何處著纖塵

疊砌平階茁露芽近看如錦遠如霞塞垣小草生何幸
開作長春苑裏花

華貂環座盡公侯 特許詞臣與宴遊滿引金樽歌既
醉謝 恩齊上木蘭舟

敬題 御書東坡詩扇爲法鴻臚作

七輪松扇早涼天舊句新題 御墨鮮不獨侍臣沾渥
澤榮光兼被作詩仙

賦得雲抱兩三峯應 皇太子令

萬峯齊露頂雲氣欲何之
偶遇參差石還縈縹緲姿
三山遙望處二華未開時
髣髴應難畫形容况入詩

佛手柑

奉 畫扇 上 旨題

名並黃柑種不同巧從佛號示玲瓏
菩提證果雙林下優鉢拈花一指中
色映金繩長帶露香開寶掌自生風
聞思大士應微笑披拂先教鼻觀通

恩賜 御書敬業堂扁額恭紀十六韻

清暑時多暇行宮日正長 君王親翰墨侍從沐 恩光是壁皆盈尺如椽總
倍常因心成變化運肘示端方山海峯濤壯龍鸞爪翅張堯文開盛世羲畫掩
前王 帝賚優無比臣衷懼莫當身雖依廣厦家本住窮鄉憶在兒童日親隨
子弟行長貧惟立壁短晷或然糠風雨留先築柴荆指舊莊業傳慚肯構敬止
念維桑幸獲支門戶終難荷棟梁數椽天一角 萬歲字中央隣叟來扶杖姻
親賀滿堂承家期世守祝 國永無疆

七月二十四日五更發波羅火屯始有寒色

臥聽雞鳴已過三起來攬帶上征驂五更寒色風初北七月邊聲雁已南汨汨
乳泉滎暗谷濛濛霧雨染濃嵐前行漸與圍場近飛騎如雲隔宿探

烏喇帶秋分日作前夕大雷雨昨日微雪故詩中紀之

朔野秋光少俄驚草木衰大都殘暑退便是蚤寒來天霽今朝雪山收昨夜雷
匆匆裘換葛節序暗相催

度達陰嶺看紅葉

蛇躡猿攀路僅通溪聲忽轉一山紅行來不道秋纔半已在寒林薄雪中

中秋夜薩勒巴里對月

一片中秋月重經古塞看宮壺傾法醞是夕賜酒果御客夢警新寒似雪侵髯白疑

霜拂帳乾故園諸弟在悵望隔團圓

八月十七日伊蘇河源雪中聞雷食頃開霽

雲黑初防挾雨來俄看黍谷散寒灰千峯雪作漫天霧萬帳風兼動地雷紅樹

一番殘葉盡碧空依舊夕陽開眼前變幻真奇絕天果難將管見推

隨 駕行興安嶺上

橫互東西路幾千直從遼海控居延盡消伏莽山無樹不斷靈源地涌泉羣牧
牛羊量論谷諸藩廬帳列如塵聖朝不畫長城界一道平岡是九邊

連日扈從由雍安嶺烏蘭哈爾哈至上都必拉觀圍恭紀八首

連天積素耀威弧鵲血牛蠡力盡輸梁簡文詩控弦因鵲血挽強用牛蠡看取羣情齊踴躍 一

人獲雋万人呼

初分左右儼星奔旋列方圓陣法存千仞岡頭黃纛下藍旗兩扇合旌門

西僧迎 輦列香旛擊盃吹螺動法門番界從來知佛大而今更識 帝王尊

多論那拉之西有喇麻寺西僧一百五人蒙古每一部落供養一僧俱來迎謁賜銀緞有差

嵯峨高勢拂雲開 天語親聆指示來踏遍峯峯沙似雪始知身到白龍堆十二

五日隨 駕至上都海拉斯臺 上諭云此地山形首皆西南向尾皆東北向即古白龍堆也

朴渥如飛掠草中 御前突過疾於風萬鈞神藝無輕發命中仍開射虎弓

獸自成羣鳥自稀網開四面總天機白雲一片平如席趁取鷓鴣帖地飛
尾同驪麋首成羴千百黃羊合一羣攔入圍中何所擬滿灘鵝鴨鬧如雲

豹尾雞翹滿後塵近前傳 旨召儒臣分頒五色離披羽榮被雕鞍是八人十二

六日於固勒班庫持力隨圍特賜翰林官山雉人各一尾

雪中戴青氈大帽 上顧見大咲口占紀之

大于煖耳覆雙肩冰雪騎驢二十年今日重蒙 天一咲白頭還戀舊青氈

八里平隨 駕閱視羣牧恭紀八首

右接雲中左界遼放來羣牧十分膘自從 聖祖開基遠水草新來分外饒

齊色分花望不窮一羣拔萃一羣空天生驥駮初無種只在 天君王顧盼中

大漠塵消罷戍屯曾收汗血入關門於今青海無傳箭字息均蒙 豢養恩

肉鞍高出草頭低千百封牛褐色齊 漢書注駝背上肉鞍隆高若封土俗呼封牛 知有泉源在山外

但從沙上覓駝蹄

烏犍黃犍種各殊駢躑迭角雜收駒太平畜產閒無用好入豐年考牧圖

四時邊草闌榮枯垆谷填谿作雪鋪一色万羣三百万不曾輕費大官芻

詩疏羊以

三百為羣合三十万計之則千羣也今合三百万計之則万羣矣

邊戶羣歌樂歲穰素封何必業耕桑家家

賜種滋蕃息銀餅渾如拒黎香

唐撫

言宣宗賜韋煥孫宏銀餅啗皆乳酪膏之所為即今乳酥餅也

蒺藜苑小傳唐監首藉園荒咲漢家自是累朝無馬政天留沃壤在龍沙中

恩賜上駟院馬一匹恭紀七言排律十六韻

万里平沙屬慶豐更申罔命牧駒駝如茶如火千峯上為錦為雲一望中有駉

幸隨觀垆野上裏敢冀 賜行宮房星燭地光先見電影流天澤下通玉勒金

羈新改控琯鞍黃帕舊曾蒙丹青妙合將軍畫聲價高踰都護認緩轡追陪雙

仗近着鞭先後八人同

南書房侍直八人同日拜賜

細看六印猶鈐體

唐六典在牧之馬有飛字印龍形印三花

印風字印賜字印出字印其形容端正擬送尚乘者以飛字印其髀膊

乍拂三花待剪髮不分牽來遊果下且教

行處避芳叢疾徐本具馴良性安穩寧資調習功筋力將衰蒙

聖鑒嘶鳴欲

效託微衷院中例借知應免眾裏齊驅學漸工躩躩身輕辭社燕飛揚隊逐入

關鴻食貧慚媿新芻儉種貴夸張阜樞空照夜俄看歸路白經春旋試軟塵紅
翔麟苑與飛龍廢蕃錫 恩深念匪躬

上御帳殿南門 命侍衛試調生馬 召臣等同觀恭紀

步闊蹄高齒尙童尙書大傳童馬不馳忽驚一顧出 重瞳賞加牝牡驪黃外 恩在駟

馳駕馭中杏葉裁韉初被錦桃花作汗欲噴紅龍涓騏校皆天廐冀野從看万
馬空

雪後 賜酥酒恭紀

馬足瓊瑤十里衝到來稠疊 賜黃封土酥點雪脂凝白官釀消冰乳滴濃寒
斂衾裯禁永夜温同狐貉禦嚴冬銀罌翠杓均天澤醉飽春回草木容

行經獨石口外

獨石西南路最紆時平關隘失崎嶇灤河源在千山外流過元朝避暑都

下西巴里臺

直下初從万仞顛忽於井底見炊烟松風夜轉潺湲水知是山腰一眼泉

卽事

童子提壺斟馬酒老翁曲項奏胡琴近前爭博 君王咲真見諸番愛戴心

張家口

北風獵獵上旌旄古埃連山峭偪天鎮將時平多扈蹕六龍五載一巡邊

宣府早發

星羅城堡屹相望地是雄邊舊教場漸近關南秋尚暖雁飛先過鷓兒梁

重陽下堡道中

垂楊全綠菊微黃九月關城未降霜踏盡烏桓千嶂雪却來平地作重陽

入居庸關

截斷雲頭作翠屏官溝南瀉水泠泠黃花催熟旗亭酒咲脫重裘度冷陁

居庸關名

冷陁太行八陁之一也

彈琴峽

沙紋練練溜涓涓似有鳴琴出響泉松磴曉含三尺雪石牀秋語七條烟聲希

不信人間有悟徹原非指上傳莫聽鼓鼙思將帥清音今屬好山川

恩賜羔皮袍料恭紀

授衣時節恰歸期裘敝重叨 聖主慈飽食始知肥豉美臣素不食羊近奉旨賜嘗洵美味也敵

寒尤覺乳羔宜製成刀尺憐柔毳謝莊賜裘表靡毫柔毳省對冰霜凜素絲行與都人還

示儉三英五絨在風詩

山莊雜詠 有序

山莊者我 皇上避暑行宮之統名也臣以草茅新進再塵扈從自夏徂秋

往返各閱百餘日其間山川風土之美草木禽魚之狀一一俱蒙 恩指示

凡耳之所聞目之所覩口不勝述則紀以小詩合成三十首用備遺忘不揣

蕪詞並呈 御覽

朝涼夕爽絕氛霾晝裏山莊處處佳 聖德如堯惟尚儉采椽不斲土為階古

口外行宮凡八所皆無丹牖之飾

章奏多從驛騎馳行宮勤政日孜孜三更樺燭明如晝又是宵衣乙覽時唐太宗每

以甲夜視事
乙夜觀書

溪藪山穀味有餘
慈幃時達問安書
往來中使頻相望
何異宮庭侍起居

每得

新蔬輒遣中使馳
送皇太后宮

阡陌橫從蒔藝區
幽風七月繪成圖
瓜瓢豆莢田家味
帶露朝朝進御廚

烟光濃澹寫晴空
多少旌旗掩映中
大抵無峯無好樹
一峯不與一峯同

幾暇濡毫有万行
臨池無體不飛翔
蛟龍噴作巖頭雨
千澗流來墨瀋香

畫鹿宮門樹射棚
冬膠秋幹試初呈
靜中人籟皆天籟
朱鷺單傳中的聲

嶺複岡重不記名
石缸隨處瀉琮琤
濛濛薄霧沾衣潤
雲縷多從水面生

小雨初過月未升
浮浮空翠暖如蒸
不知濕氣消何處
萬竈炊烟万帳燈

林幽谷邃暗霏微
過午人人換袂衣
預卜明朝天色好
相風微動柘黃旗

松蓋年深雨露滋
茯苓琥珀化應遲
太平是物爭呈瑞
枯枿先看出紫芝

赤芝產落

葉松根

灤水清流比漆沮
霽潭潑潑漾菰蒲
細鱗柘綠皆堪繪
不數紅鯉巨口鱸

細鱗魚重

唇身有黑斑柘綠魚
色微綠皆灤河所產

泡子河淤鳥鹵開霜華彌望白
燿燿邊民聽食天然利只禁鹽車入口來
泡子河生

天然鹽不待煎熬而成
蒙古用小車載以貿易

煜煜蒼龍尾角蟠小星如沸鬧林端乍驚三尺飛光度螢火大於金彈丸
塞外流螢

極大光可燭三尺許

泥金細縷簇龍鱗首尾中分翡翠紋頗訝賦形同蠍虎試看噓氣却成雲
山中蜥

長四寸許頭以下色如翡翠有紋如魚鱗尾作金色吐氣為雲土人呼為雲虎

多年沙土養奇材照夜渾疑吐蚌胎可是水中真蘊火但生涼燄不然灰
山杏根入

水千年光如水精夜置暗室中毫髮畢見

銳頭長尾口如翹肉翅旁連四足俱猜是午年老蝙蝠問名方始識飛狐
飛狐銳頭

缺口耳小尾長毛深褐色翅如鼈裙四足生翅中前二爪後五爪能飛不踰尋丈

叢間樸檄葉先枯歐李駢晴似火珠長路微甘供解渴馬鞭爭挂紫珊瑚
歐李一名

烏喇奈子如櫻桃而大味微甘而酢

敬業堂詩集

卷二十一

八中華書局聚

青楓烏柏自喬柯映日多成錦繡窩片片丹砂開障扇就中椴葉得霜多

椴樹大葉

如團扇初生時可裹粉餅蒸食秋月經霜鮮紅可愛

山梨微澁杞漿酸崖蜜煎從翠釜頒珍重蓬萊金醴味不傳方法向人間

山梨枸杞

汁經煉成膏味皆鮮美上嘗以賜近臣

榛實初生如栗蓬秋來采掇出低叢雞頭剝玉差相並鉅釘曾無一顆空

俗云十榛

九空塞外所產不爾也

難憑本草考稀苓異卉奇葩眼未經滿地根株移不得金蓮垂實菌收釘

地產金蓮

花及猴頭蕨菇

官馬如雲盡上膘便經霜雪也肥饒地黃牧宿人人識何似連山盡藥苗

千盤百折上興安寒燠平分咫尺間忽見萬松齊落葉人言山後是陰山

落葉松生

興安嶺北秋冬凋落與凡木同

道是山鄉又水鄉四時多半領秋光西風欲起馳爭鬪早雪將飛麝退香

雲端千仞跨晴空真有飛梁亘彩虹番語漫傳生吉兔佳名新賜玉玲瓏

達陰嶺東

北四十餘里山顛巨石百餘丈中通一門望若
飛橋蒙古謂之生吉兔 皇上改名玲瓏山

晨隨羽衛愛山行夜宿周廬傍幔城自入秋來常起早挈壺攢點最分明
詞臣帳房

在行宮南門外五十餘步欽天監司漏處也

畫屏環繞直廬傍草色常先柳色黃八月初頭風力緊夜來傳入旨禁燒荒
塞外

草枯禁野火謂之燒荒犯者法甚重

蝗不成災歲有秋直從畿甸到邊頭更教州縣除蝻子預計來年睿慮周
秋來蝗不

為災命畿輔所在徧掘蝻子

溪流經雨雜清渾茗椀頻霑 雨露恩日給大官泉一斛祗應飲水亦思源
自發

哈喇火屯恐河流渾濁致傷脾氣賜臣等官廚水日一石

丙戌上元夜 召入西苑觀千葉蓮花燈恭紀四首

太華晴光絢晚霞良宵移入 玉皇家月華滿苑清如水湧出峯頭十丈花

天香飄下蕊珠宮映水俄驚太液紅不夜城中光四照南薰先應五絃風

不羨金蓮晝詔回恍疑風引近蓬萊分明千佛光中現併作紅雲一朵開

彩棚高傍 御樓懸千萼多從一蒂聯不是大羅天上見人間誰識火中蓮

潤木弟授庶吉士二首

初聞唱第向 丹墀再見班行雁序隨桂發五枝曾有識
余家廳事前有老桂癸酉八月開花忽作

深紅色異於常時甲戌乙亥丙子丁丑 楊穿三葉可無詩
白樂天與弟行簡敏皆然自是余兄弟及兒子相繼登第中先後及第故其詩

云楊穿三葉盡驚人 家門我已推為長仕路君猶算未遲何事相看兩相泣雙親見背已

多時

早緣貧賤多離別老去依依勝得朋小閣重添聽雨榻短檠分點入朝燈浮蹤

到海翻相聚歸路如天豈易登寄語阿頻存晚計且來共飲一條冰
時德尹在楊州書局

哭樊桐姪二首
丙戌五月初一

二十年前哭乃翁遺孤抱出尚孩童可堪留取昏花眼看汝成人又送終

單丁門戶剩嬰孩收拾殘書與寄回永訣有言吾不食三千里外為誰來

敬業堂詩集卷三十三目錄

甘雨集

五月二十四日 駐蹕密雲連夕大雨

謝 賜普洱茶 喀喇火屯口占

蔣西君同年為余寫芙蓉折葦扇頭小景戲題二絕

七月朔烏城立秋 七月十五日四更發熱河度嶺至喀

喇火屯天未明 七月十六日烏城直廬驚聞房師虞

山公訃音哀情痛切托於短章四首

題西君為家少詹姪畫四時花卉卷二首

座主總憲吳公請假旋里恭賦四律寄送

題少詹姪寫經圖時在塞外直廬 八月十三日日駕幸翁牛特恭紀時

八公主下嫁於都倫郡王

木克帶西行十八里山下有湯泉

中秋夜柳林口翫月與玉符先生及亮功紫滄西君三同年小飲偶成十

六韻

八月十九日 皇太子睿賜初白菴

扁額恭紀十六韻

塞外大風二十四韻索同直諸公和

行經玲瓏山下

八月二十三日 上入山行圍射獲

白鹿一頭恭紀十韻

西君分餉梨藕賦謝十六韻

道旁冢

重過玲瓏嶺看霜林作十二韻

聞同年顧書宣前輩湖廣訃音愴懷今昔成五十韻

院長惠裘一襲賦謝十韻

謝院長贈馬十二韻

半截塔次院長韻

院長惠家製金銀花露一瓶賦謝二

十韻

重陽日度木倫喀喇沁

雪後隨 駕度汗鐵木兒嶺

重過唐山營

發波羅火屯至藍旗營

自星龕岩歸至烏城道中重見霜林

西君有詩再次前韻

九月十四日烏城旅舍連接諸弟諸

兒兩孫八信口占一律

重陽後十日入古北口

石匣城南村民有駕牛墾田者 上駐蹕親履田間扶犁行百餘步一時

觀者萬人咸謂 聖主重農勸穡至意真千古所未有臣身叨侍從

目覩盛事恭紀二十韻 俞扶九寓齋賞菊分韻得時字

題張研齋前輩桃花流水圖小照

敬業堂詩集卷三十三目錄

七

行經其後山

白雲一

道

道

道

道

道

道

道

道

道

道

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

卷之二十三

敬業堂詩集卷三十三

海寧 查慎行 悔餘

甘雨集

起丙戌五月盡九月

入夏以來畿輔稍旱自五月二十一日 駕發西苑大雨五晝夜田疇霑足
萬口歡呼咸謂 聖天子軫念民生甘霖應期不禱而自至視靈雨甫田諸
什不既多乎哉臣以珥筆隨豹車之後沐膏澤而詠豐年固其職也

五月二十四日

駐蹕密雲連夕大雨

輦路涼生暑乍融到來連夜雨兼風四山雷轉車聲外万帳燈浮水氣中入夢
似聞泥滑滑占晴行見黍芑芑頻年耗筆慚無補枕上吟成願歲豐

謝 賜普洱茶

洗盡炎州草木烟製成貢茗味芳鮮筠籠蠟紙封初啓鳳餅龍團樣並圓 賜
出儼分甌面月淪時先試道旁泉侍臣豈有相如渴長是身依灑露邊

喀喇火屯口占

水無蚊蚋地無蝻寺有旛幢石有龕山是膏腴溪是乳草如桑葉馬如蠶

蔣西君同年為余寫芙蓉折葦扇頭小景戲題二絕

偶拈秃筆寫霜容點綴誰知不取濃會得江湖清氣味蒹葭只合倚芙蓉

塞垣歸思入秋多欲涉江湖奈晚何一葦可杭吾亦去詩翁莫嘆葉沉波

七月朔烏城立秋

行宮六月全無暑早覺涼生大火中客裏心情原草草老來光景又匆匆千山

朔氣初迎雁一兩秋聲盡入蟲笑指伊蘇河畔柳三年與爾共西風

七月十五日四更發熱河度嶺至喀喇火屯天未明

塞天暑亦涼矧此秋候變披衣起我早熟路馬重踐羣峯競高低孤月遞隱現

參差樹交影斷續雲流片長風從西來過耳劇嚙箭行行得平地星火遙可辨

嵐霧滄然蒸橫前鋪白練道旁有雙塔隔手不復見礪絕賴橋通泉鳴知徑轉

忽聽一聲鐘微茫識

行殿

口外無佛老之宮惟烏城行宮旁新創穹覽寺琳霄觀

七月十六日烏城直廬驚聞房師虞山公訃音哀情痛切托於短章四

首

公去京華日余方扈從時癸未秋先生奉太夫人乞假南還余時方隨三年歸失約一別見無

期昨寄書猶達前月接家弟德尹揚州信云端陽前與先生同渡江初傳病尙疑何當聞訃後驚發早秋

悲

涑水攜書局蓬山入選樓去春奉旨於揚州校刊全唐詩奉親恩最渥給俸禮仍優在籍

恩準開條從風格詩篇著儀容畫像留先生出都時留秋帆畫卷命題後復奉手書命慎行校閱歷年詩集到頭

天莫問公自有千秋

壯歲官情澹懷歸至性真科名無媿色庚辰殿試公第一人及第巖壑早收身穉子將周

晬高堂正六旬懸知方易簣俯仰劇傷神

歷憶追隨地多慚屬望情癸酉鄉試慎行與先生同出清溪徐公廬陵彭公之門老及作門

生寢哭知何日心喪痛失聲灤河兼淚雨滴滴向南傾

題西君爲家少詹姪畫四時花卉卷二首

乍驚五色江郎筆幻出黃筌四季花知是餘波多綺麗未妨遊戲亦名家

吹開吹謝自年年人世風災絕可憐一片丹青非色界四禪天是養花天

佛書有初

禪二禪三禪四禪天至四禪天始無風災

座主總憲吳公請假旋里恭賦四律寄送

乞歸偏在 眷深時臺望非公更屬誰岳峙淵渟瞻氣象蒼松白石表襟期久

持綱紀羣僚肅獨抱冰霜 聖主知真喜太平多盛事大臣進退總逶迤

法曜文星並一垣高從河漢溯淵源回瀾力比鈞衡重下士心忘副相尊祕閣

有書皆博覽岩廊何事不深論即看拜疏辭 朝後尙引肩輿到苑門

公前赴西苑辭

歸上特命肩輿至小東門慰問賜茶真異數也

詔恩暫許憇林閭不比尋常賦遂初別路人皆期健飯引年公未及懸車一門

老去仍同爨八座歸來只舊廬何物眼前當七發葦鄉亭外有鱸魚

一時祖帳盡名流才子同朝挽不留三殿文章行接武五湖風月侍歸舟蒹葭

隔岸雞催曙橘柚開園雁報秋我是歐陽門下士柴車何日獲從游

題少詹姪寫經圖時在塞外直廬

我觀人世間知巧競一途乃至事所生虛名亦求沽不見古孝子用心常近愚
愚則本乎樸樸爲誠所孚苟有裨於親寧論事有無嗟經祈冥福此語傳浮圖
庶幾抱微誠上答父母劬通乎立教意可以輔吾儒宮詹吾宗賢至性具髮膚
少稟二人訓學優過庭趨出爲鸞鳳鳴歸作膝下雛中承贈君訃痛絕天難呼
北堂垂白母爲爾增歔吁黽勉進水漿傷哉反哺烏母氏繼下世兩喪一時俱
平生風木悲血泪交模糊君時年盛壯頓覺形神臞霜寒宵寢苦味苦晝茹荼
旁人競相勸勸保七尺軀似聞西方經報恩古有諸親恩等山岳子報真鎔銖
遂發寫經願寸心懷區區幃前一瓣香几上墨一盂竭我兩眼力拚我十指瘡
眼昏指如椎口誦足雙趺誦已還慟哭哭罷復細書如此踰兩年白抽頭鬢須
當其迫沈痛信筆非臨撫果然妙蓮華一一紙上敷一卷萬餘字七卷七萬餘
人天合掌敬燦若琳琅珠俞子亦好手爲君寫成圖今來十五霜故山拱楸梧
偶然展卷看清泪猶承矐我生乃鮮民蹤跡數早孤先人尙淺土齒髮日夜枯
作詩志吾媿汗出成沾濡

八月十三日 駕幸翁牛特恭紀時八公主下嫁於都倫郡王

一統車書域三朝雨露天名藩星拱極 法駕日臨邊遐裔元家貴崇姻 聖
代聯肅雝輿衛盛錫賚禮文全事與和親異 恩加屬國專不煩湯沐邑特給
水衡錢甸服居相近華風被獨先丹青開殿宇錦繡裹山川封爵原仍舊王庭
遂不遷副車常侍 輦駙馬每從田負弩鸞鑣下呼嵩豹仗前從看外孫國望
幸自年年

木克帶西行十八里山下有湯泉

北行漸入苦寒鄉喜見湯泉湧道旁自覺溫能回黍谷或云下必有砂牀波痕
消盡冰霜氣石髓流爲草木香便作解衣盤礴地暫時休澣也清涼

中秋夜柳林口翫月與玉符先生及亮功紫滄西君三同年小飲偶成

十六韻

露白霜清候千巖萬樹頭銀河斜繞塞金鏡迥懸秋輪自東隅上光從西極流
天長雄鼓角野靜散貔貅星火移躔避關山倒景收賞應同 北闕與不減南

樓蕭爽披襟得高空與目謀幾年叨扈從一夕抵旬休已免攜衾直還爲秉燭
遊王程千里共恩賜兩宮稠佳果充棹按鮮禽入膳羞班荆傳酒令隔幔數
更籌餅似團圞樣詩須酪酏訓老狂尤爛熳小坐獨遲留明日追成夢吾生吟
若浮起來林影下嵐翠濕衣裘

八月十九日 皇太子睿賜初白菴扁額恭紀十六韻

地近瞻 儲聖天高鑒積誠三光開 睿筆四海識蒼名夙昔棲禪志今來戀

闕情青雲垂欲上白髮正初生有作皆邀 賞非才竊自驚蓬茅沾雨潤葵

藿向陽傾感激桑榆晚駟馳歲月更去家無累遣下直有僧迎往往誇儕輩時

時話 寵榮一瓢蟠木癭松癭瓢 三秀紫芝莖匣許香楠貯賜帶數珠 孟教淨水盛顯

孟白卮傳漢玉綠硯琢泚瓊是物皆堪供以上六種皆兩宮前後賜物 何年築始成雖蒙頒

扁額未敢計柴荆蟻蝨微生賤龍蛇尺幅盈萬鈞餘腕力 恩重倍難擊

塞外大風二十四韻索同直諸公和

天上箕星動山中月暈生土囊俄出口沙磧欲填平猛拔羣峯立喧招萬籟迎

奔衝來若驚颯沓去如傾牛馬渾難辨蛟龍怒欲爭蓄威雷隱麟助氣鼓砢鉤
劍戟齊攻壘波濤迥撼城餓鴟當晝叫饑虎傍人行鼠黠藏深穴蟲僵跼斷莖
草埋蛇鼻淺寒噤蝟毛撐昨夜還防雪今朝竟得晴駢雲成片段轉石落崢嶸
鴉起斜行亂雕盤遠勢成向南惟雁路直上是鵬程曠本難終日狂猶逞二更
將收偏作力忽散寂無聲谷以虛能受心緣靜不驚勿愁開橐籥祇是聽竽笙
袞袞除塵埃悠悠指旆旌回頭千樹禿稱體一裘輕酒近移床暖爐添宿火明
却看天宇曠翻覺塞垣清落帽知何處飄蓬且自征蘭臺多賦手小律倘同賡

行經玲瓏山下

鑿開渾沌得玲瓏片石居然絕塞雄地肺想從岩竇入天台信有石梁通風雲
噓吸千尋表日月迴環一竅中莫怪經過屢回望佳名却與故山同

余鄉餘杭縣亦有玲

山瓏

八月二十三日 上入山行圍射獲白鹿一頭恭紀十韻

白鹿非凡種仙山歲月長出當時有道瑞叶 壽無疆洞口眠時月原頭望處

霜明明開射的皎皎入圍場碧磬千鈞鏃瑤星一道芒最宜豨並獻肯與豹深
藏至潔斑同雪如膏色勝蒼皮能留素質草不療金創雕俎充庖味銀毫耀眼
光謬慚陪羽獵作頌比麟祥

西君分餉梨藕賦謝十六韻

行廚滋味重肥膩饜牛羊正爾宜佳果俄看致滿筐遠分慈母惠特並故人嘗
藕抱玲瓏質梨含沆瀣凝嫩疑新出水紅似乍經霜洗剔親教淨摩娑愛倍常
大瓢斟雪汁小片截瓊肪鬆脆鳴牙頰芳鮮潤肺腸真堪解消渴況乃佐清涼
我本柴桑士居連苒藻塘踏泥風葉底摘顆露籬旁賣菜多求益堆盤輒賤償
幾曾虛野饋長是及隣莊物理因希貴人情感舊長鑿池從憶白入谷每思張
二者今兼得何須問故鄉

道旁冢

其一在土城南岡上石獅二白碑一統其一在土城東十里石几一石亭二上刊孝敬之墓四字姓名皆無可考

衰草茫茫近土城白碑相望兩荒塋當時馬革尸同裹今日牛眠地總平野火
漫容荆棘長塞田并乏子孫耕有知合唉曹瞞拙欲刻征西占墓名

重過玲瓏嶺看霜林作十二韻

犖确重來路秋容最好時往年經雪早今歲得霜遲
 二月花相似千林景特奇
 問名難辨種設色故多姿濃淡丹黃葉交加爛熳枝
 簇來成綺繡疎處度旌旗
 換眼層層別迴鞭步步隨已憐侵暮色還與發華滋
 粧點江南畫鋪張塞外詩
 衰顏熏欲醉白髮巧相欺好事何人賞登高此地宜
 丁寧朔風候旦晚莫狂吹
 聞同年顧書宣前輩湖廣計音愴懷今昔成五十韻

絕塞來凶問初疑後果真恨難埋厚地狂欲問蒼旻憶昔充鄉貢時同忝國賓

紅箋通姓氏麗正約比隣名稍居姜後癸酉同舉京北書宣名在十八西漢十九余二十心常與顧親

雁行聯弱羽魚隊狎凡鱗雨雪連床數篇章擊節頻嗜痂良有癖遭砭各無嗔

搜剔疵瑕出銷鎔鑛鐵純偷來輸格律讀罷爽精神自爾投膠漆何曾計屈伸

禮闈看再舉臚唱聽移旬獨脫囊中穎先呈席上珍列科登一甲同榜得三人

金馬聲華盛芝蘭臭味均甲戌殿試書宣第一甲第二丁丑西漢一甲第自忘三庚辰余房師汪公一甲第一皆癸酉同榜也

頻下第翻羨早抽身君于甲戌冬乞假回籍病喜鷗情適閒教鶴性馴落帆揚子夜踏月

廣陵春出處都如夢參商那記巡分攜從甲戌會合又庚辰却話青雲舊俱添

白髮新木樨參佛法黃葉證前因黃葉打醒游子夢木樨參透老僧禪余與書宣同宿天寧僧舍句也景已當搖

落衰拚向隱淪未成棲倦翼寧免作勞薪元老開黃閣微名達紫宸壬午冬余因京江相

國之薦 召 直南書房寸長嗟莫效六論咲空陳釋褐推先輩含毫托後塵我仍留 輦

下君亦起漳濱癸未冬書宣方還朝花底隨朝謁燈前惠討論詞源寬萬頃筆陣敵千鈞

妙斲斤能運奇方手不龜輿圖歸指掌道路識迷津乙酉冬書宣奉旨入直南薰殿纂輯方輿路程

乙覽皆稱善公才久合掄使車方簡命省試且陶甄場屋收羅鄴門牆進郊

詵為爐分玉石握管稱金銀瑁璪徒喧謗從容視咲顰不慚膺 特眷彌覺重

詞臣紀進士榜發後事遂啓扶風帳重持大雅輪楚材傳自古儒術近尤振辭 闕還

瞻戀之官亦苦辛行期何萬萬別語太諄諄君于初春奉督學湖廣之月中乃出都臨行時頗以善病為慮

北轍俄經夏時余扈從避暑口外南轅似隔晨鯉書猶待寄鵬賦忽遄臻江漢文星墜

瀟湘士氣泯雖云蒙 寵異實未展經綸澤國秋多慘騷人例豈循歸旌千里

遠宦況一生貧憔悴孤蹤在淒涼往跡湮老年殊少泪痛極為沾巾

院長惠裘一襲賦謝十韻

推解情何厚炎涼序忽遷初過搖扇景已迫授衣天蒼腋茸交密銀貂色最鮮
製成微霰候拜賜朔風前輕暖渾踰帛奇温又勝綿禿襟便跨馬短後稱垂鞭
裊襲隨時尚冰霜是夙緣曉披迴醉纈夜脫聳吟肩袖裏攜新卷箱中感舊氈
敝裘從唱和回首十三年

癸酉冬余作敝裘詩先生與西溟實君元龍皆有和章

謝院長贈馬十二韻

廿載曾徒步三年會上雍借驢長自咲騎馬忽相從華廐蒙分賜貧家慮乏供
品應超脫兔種本出飛龍宋時學士例賜飛龍廐馬突過風前影難尋月下蹤蹴冰蹄似鉄
批竹耳成鋒一色全凝雪三花待刷鬃密看毛細膩垂愛尾鬣鬆王濟雖多癖
孫陽詎易逢駢馳憐盛壯剪拂愧衰慵捷徑休爭取歸途幸見容最宜隨下澤
安穩代扶筇

半截塔次院長韻

龍沙茫茫荒怪集佛界剗天絕梯級誰與此塔此山中高湧蓮華嵌空立大千

起滅微塵過小劫須臾轉輪急頑疆亂礫泐作堆風雨猶疑鬼神入當時委蛻

兩夫婦華表歸來改城邑

相傳元時有某萬戶與其妻棄官學佛歿後合葬于此

冰天下壓巔頂平雪谷

深埋半腰及我來訪古興桓地欲寫山川入行笈每逢陳跡輒徘徊口業未停
餘宿習草間定有碑銘在野火燒殘沮洳濕國書難考奇渥温筆授惜少鳩摩
什公詩紀實良足徵歸去皇輿付編輯

院長惠家製金銀花露一餅賦謝二十韻

佳名傳本草舊識鷺鷥藤黃白移時變金銀任俗稱但聞兼葉曬寧解帶花蒸
方法誰邊得園林手種曾栽培無棄物筐筥亦時登籬密開從徧枝繁采勿勝
製乘香未散候視氣先騰倒挽河車水徐收井甃繩夜窗珠滴瀝晨旭露鮮澄
澹比初融雪清於乍釋冰恍疑仙掌露直向玉盤凝出火經三日浮餅貯半升
諒非供熱客間或餉良朋邊地尤難致塵襟豈易膺流匙宜少許瀉盞感多承
點酒奇芬溢和茶別味增唇沾良已足肺潤更相應沆瀣咨仙侶醍醐問老僧
薔薇紅莫擬玫瑰紫休矜白戰聊成詠慚無故事徵

重陽日度木倫喀喇沁

亂山高下入圍場掠面西風似弩強馬足聲乾千澗葉雁羣寒警一裘霜登臨
豈必皆吾土今古閒消幾夕陽記取題糕重九節燎毛燔肉共分饜

是日撤圍賜饜一頭

雪後隨 駕度汗鐵木兒嶺

校獵秋初罷 回鑾雪乍零雲峯晴晶晶風磴曉泠泠換景供吟筆收圖入畫
屏萬株枯樹頂獨愛一松青

重過唐山營

去日村村翠剡堆歸時碌碡廣場開天教朔野西成早又待君王射兔來

發波羅火屯至藍旗營

劍分一嶺隔西東

自駱駝嶺東北為校獵之區其西南則山莊也

半月風光迥不同沙磧人歸黃落後

山家烟起翠微中年豐障塞秋先穫水落浮橋路盡通誰信古來甌脫地築場
樊圃入豳風

自星龕岩歸至烏城道中重見霜林西君有詩再次前韻

過眼當搖落繁華又一時地非千里遠候較兩旬遲
暎日晨猶麗烘霞暖更奇
黃留將雪景紅發未霜姿秀拔多喬木輪菌乏醜枝似燒原上火愛映酒邊旗
猶憶衝炎去曾經緩轡隨陰晴借爽潤色雨添滋忽換登高屐來題看葉詩
含情如見待有信不吾欺榮悴天難主妍媸分各宜本非松與柏那免受風吹

九月十四日烏城旅舍連接諸弟諸兒兩孫八信口占一律

燈花如穗吐烟煤果有家書出塞來三處豈應同日發八函却喜一時開
勸餐兄弟憐年長到眼兒孫抵夢回爲報老懷殊不惡地爐氈帳撥寒灰

重陽後十日入古北口

踏徧雲中雪外山敝裘重脫柳重攀寒花過節如迎客朔雁先期已度關
官馬散隨黃犢臥戍兵秋較老農閒勞生屬有駢馳分默數三年六往還

石匣城南村民有駕牛墾田者

上駐蹕親履田間扶犁行百餘步一時觀者萬人咸謂聖主重農勸穡至意真千古所未有臣身叨侍

從目覩盛事恭紀二十韻

雲捲三秋稻霜清百頃陂 君王除警蹕郊甸正鉞基近接 鸞輿過羣瞻

玉趾移羽林分仗立耕叟執鞭隨龍見天垂象牛馴 帝解縻沾犁皆雨露被

隴卽京坻久悉艱難意重蒙疾苦咨事傳千載盛 恩豈一夫私自昔豐穰慶

嘗聞史冊垂紺轅曾屢駕黛耜亦頻施千畝周官籍三推月令儀大都修典禮

已謂致恬熙幾見勤民 主行當省斂時西疇躬自蹈田器手親持積厚培尤

力居高履愈卑九州胥樂土 萬乘是農師擊壤歌相勸吹豳繪總宜人歡聲

動地風遠播爲詩作所陳無逸釐成付有司小臣慚頌述振古孰如茲

俞扶九寓齋賞菊分韻得時字

關榆塞柳別經時一夕從君那得辭衝雪人過重九節傲霜花剩半開枝寒香

泛夜差宜酒病眼經秋漸怯詩記取燈前論聚散明年相憶在東籬 時余將請假南歸

題張研齋前輩桃花流水圖小照 時在西苑直廬

北風夜狂轉冬律墜葉堦墀寒瑟瑟生綃忽展橫幅圖暖氣春回映簾日垂楊

夾岸水沒篙碧色染透胭脂毫晴霞燒空半天赤點出萬株深淺桃玉堂學士

神仙客每到花時懷舊陌鷺鷥翹足鷗刷翎下有鰕魚長一尺船頭舉網船尾
炊何如斫鱠留蓬池披圖空看畫中景對鏡微添頰下髭我昨南帆經古皖棹
入樅江春過半至今清夢繞龍眠三十六峯紅不斷可憐此地不相逢却在雲
窗霧閣中青筠綠蓑何日辦且教閒處付漁翁

敬業堂詩集卷三十三

正賦移羽林分發支新製執事該是云世歲年賦
 兩即京攝久悉無歸重其家委苦容華傳千載成
 事結實冊垂附報官厚賜賞亦如施千載現官籍三
 已謂致活照錄是勤長 主行當有致時西養對自
 力居高履會學九州奇樂工 萬乘長慶師聲壤收
 類業多精業卷三十三陳無逸後成何有朝小臣衛

九

關倫寒柳對時時一及從看那得辭既重人獨重
 隨書國中香綠綠葉時時綠且透聞風竹燕餘
 大新公集圖半三不制卷熟請期三牛夫奉
 蘇山空懸雁共舞對蒼南驚驚康氣瀾隔長不

敬業堂詩集卷三十四目錄

西阡集

恩賜白金二百兩恭紀十韻
奢賜驛馬二匹恭

紀二十韻
將出都留別院長及同直諸公四首

與潤木別於彰儀門外
晚抵良鄉

早過涿州
五更發高碑店

食安肅菜
渡三义河沙滋唐三水合流於此

重入東鹿境宿清官店先寄兒建十二韻

乙亥秋與許霜巖同過深州忽忽十二年矣重經此地題壁依然時許遠

宦滇南口占寄之
饒陽道中作

曉發河間黃昏抵大城縣
奉謁座主少宗伯許公於大城官署

敬呈二律
曲路店遇吳元朗

大風抵張夏戲題旅壁
嵩山柏

長清山行

泰安州題壁

長至日山左道中即目書懷二十四韻

羊太傅故里

新泰城南望整山

旅店食雉兔作

蒙陰城東十餘里地名城子莊壬午初秋

曾一飯於此水旱之餘居民百餘家轉徙殆盡惟舊時逆旅主人在耳

重感歎不已紀之以詩

古明鏡詞

沂州出山

淮北聞雁

從宿遷登舟連夜渡河

黃河中流見月出口占一絕

發清江浦二首

重晤大司農徐浩軒先生於淮上二首

張運青先生見餉食物遣人遠致于四十里外以詩奉謝

寶應雨泊

曉晴發寶應喜得順風先寄德尹揚州

掛帆行六十里將抵界首風勢轉狂小舟不敢下閘戲成二絕

高郵道中
大雪夜泊瓜洲二首

雪後渡揚子江
舟過丹陽有感於范堯夫事漫成一

律
三十年來舟過無錫未嘗再游惠山

口占解嘲
膠山在無錫縣東四十里九域志云

山南有梁蕭侍郎故宅今無可考矣

渡尚父湖晚抵虞山二首
過錢玉友河亭話舊二首時已收身

奉佛但未廢飲耳
與許暘谷時許初自山右歸

西阡雜感五首
除夕與德尹信菴守歲二首

迎鑾集
兩對齋

園梅垂放而主人將出門口占一絕

錢玉友有見寄長篇極論作詩之旨終以傳世相期許兼承不朽之託連

日阻風虎丘舟中無事賦此奉訓

夜泊京口
奉和座主相國澤州公吳橋道中見

寄之作敬次原韻

院長揆公出都時亦有詩見寄清江

舟中出以索和奉次原韻並簡唐東江考功

揚州城外觀燈船和友人韻二首 題湘兩禪師宙亭詩集後師乞余作

序故落句及之

初登金山

清明喜霽再登金山同院長作

雨後隨 駕發龍潭抵江寧

隨 駕謁明太祖孝陵恭紀十二韻

與謝氏前奉守齋二首

院長見贈大篇過蒙推獎次韻奉酬

谷韻清味自山古韻

自葑門至崑山舟中作

立夏日吳山寓樓偕竹垞朱先生及

鄭息廬馬衍齋素村家德尹為櫻筍之會竹垞有詩和荅一首

雨中隨 駕泛舟西湖次院長韻五首

山古韻清味自山古韻

昭慶僧樓同年修淵若學士步月見訪

山古韻清味自山古韻

和淵若學士西湖雜咏四首

雨中過南湖訪老友盛鶴江二首

隨 駕重至虎丘寓直仰蘇樓下

聞建兒到家之信

吳門舟次喜遇潤木假歸

重酌惠山泉

奉謁侍讀秦公於寄暢園敬呈五章

麥秋

邵伯埭送 駕後歸舟卽事二首

與德尹自揚州連舫渡江

入夏苦旱六月十五早偕鄉人禱雨

烏龍井步至菩提山真如寺二首

耳聾

十月十七日病起過隣僧融然房看

菊

周濂溪先生家塾銅章一枚形製奇

古其裔孫歷世寶藏來索題句敬賦一章

天寧詩僧文緯見過

敬業堂詩集卷三十四目錄

敬業堂詩集

卷三十四目錄

二一中華書局聚

地業堂精進卷三十四目錄

古詩集卷之四
大德補錄文獻是也同院是作
兩後隨 獨發龍潭抵江寧

請古其商將選出寶錄來家張向藩頌一章

陳藻 贈大德補錄文獻是也同院是作
鳳翥於生東漢職章一姓沃燦音

再續 山舟之作
十賦古之曰西漢張翥翥翥翥翥

烏語林芝在壽對山真感寺二篇前之會竹塔有詩和答一首

無窮年自憐依事緣感天院長韻五大夏苦旱六月十五早掬淚入齋雨

發財 僧徒同年修補苦學士安月是猶計數致 讀翁讀供噴毒二首

蘇詩 蘇詩卷之五 蘇詩卷之五 蘇詩卷之五 蘇詩卷之五

吳門 吳門不喜語臨本贈歸 蘇樓下 重湖惠風早

敬業堂詩集卷三十四

海寧 查慎行 悔餘

西阡集 起丙戌十月 盡十二月

凡詞臣請假葬親者例移吏部須六年俸滿方與彙題余自癸未入館甲申授職通計前後歷俸未滿四年丙戌秋杪隨 駕歸自口外於直廬冒昧陳情叨蒙 聖恩俯允所請誠異數也回思先母見背已三十五年先君棄養已二十九年矣長恐溘先朝露負土無期今乃得買地西阡歸營大事吾子天若孫履斯阡也當念貧家葬親之不易益感 聖朝卹下之深仁則茲集所留特涕泗之痕而已

恩賜白金二百兩恭紀十韻

竊祿清華地霑 恩湛露天朱提頒少府白錐逮微員優倍三年俸榮踰萬選

錢貺非金穴比 旨自玉堂宣重馬歸時載空囊補處穿春衣還質庫客座設

青氈暴富隣翁問長貧爨婢憐每持清白誠長望子孫賢不敢辜 君惠行將

置墓田孤生餘頂踵感涕為光先

時先人尚未營葬將以賜金買地

乞假葬親南歸

睿賜驟馬二匹恭紀二十韻

連騎

東朝出輝煌照路岐來從疾藜苑產自渥注池驟馬名雖別龍麟種並

孳漆光明以鑑

騾色純黑

紫酸潤無疵

馬色純紫

抖擻塵沙淨開張骨骼奇入蹄行互舉

雙尾立交垂共飲無踈齷同槽免繫維曹韓師畫理湛岳比妍姿

東坡詩馬中湛岳有妍姿

天廐方登用房星忽下移聯翩驚異數蕃錫荷

恩私臣本駑駘質生逢

達知昨來衣白袷今去鞞青絲屬有駟馳分真當愛惜騎芻蕘厚給鞭策敢

輕施每憶重經處寧忘徒步時雪深東郭履寒勒灞橋詩歸徑逡巡識旁人指

點疑力衰輸感壯心在冀追隨數齒殊多感齊衡轉自嗤長鳴同戀主臨發

又遲遲

將出都留別院長及同直諸公四首

有生長恐負君親白首清班忝後塵蘭畹草生聊自託鳳池鷗入亦相馴關

門柳色三經夏苑路花光四及春總是恩波最寬處就中容得濫竽人

窀穸先人久未營隨身挈涕每縱橫微官敢作歸田計 聖主能憐負土情篋

有 賜書裝不薄囊惟襍被累差輕只慙駑鈍宜長放尚與驂駟逐隊行去年九月

皇上賜馬一疋今年十月賜驃馬二疋院長亦曾惠馬故及之 皇太子

勿論解組與彈冠直爲 天高仰報難情重繞朝新贈策夢深星瀨舊投竿

九重禁闥深巖地七品年勞本分官倘許衡茅專一壑猶能曝背話 金鑾

得歸未掃舊巢痕用東坡詩中意去住心孤但自捫列宿回瞻天北極單車獨赴國西

門檀溪屋老將誰主栗里田蕪尚有村長羨冥鴻在寥廓不曾輕受稻梁恩

與潤木別於彰儀門外

自我住京師五年裘換紵名成時已晚 恩重歸敢遽子臣虞兩負方寸亂徐

庶請急太匆匆痛深創實鉅親亡未克葬貧到傷心處追憶初喪時悲端非一

緒汝時尚角卅至性本天具今來強仕踰將伯實堪助同歸苦未得時弟亦欲乞假而未

遂 万事料難預送我出修門殷殷戒徒御我行營大事家督難自恕饑凍固其

常兒孫何足慮來騎蹇驢來去駕柴車去風吹日杲杲飄散蘆花絮灑淚各無

言哀歌聊自敘

晚抵良鄉

近畿積雨後大道成塗泥舊時攔馬牆今作蓄水堤
眼中有岐徑涉足恆恐迷
正賴孤塔高前行辨東西南來者誰子賓從相排擠
光輝溢路旁簇簇千輪蹄
倉卒爲引避我車若雞栖

早過涿州

曙色朦朧十里橋城端雙塔聳岩嶢層冰欲裂風何橫
濃日如熏霧忽消新闢
河淤半蕪沒舊攀沙柳尙蕭條出畿便是田園路南望
三千未覺遙

五更發高碑店

久作京華客鄉程夢易迷分明茅店月猶誤早朝雞

食安肅菜

老夫居貧曾種菜露韭霜菘成替代搗來竊食大官廚
百壺黃齏剩餘債歸程
晚經安肅縣一碧環城雪初蓋流涎大似逢麩車頭朶腸鳴難久待頃筐雖乏

園官送求益何妨擔夫賣銀刀削葉土銼烹柔滑清甘美無對花猪肥豕真堪
唾野飯村沽差足配家童相顧旁愕眙不信主人心篤愛我願當官知此味腴
剝毋爲里閭害又願民間無此色春社祈年秋報賽菜畦不蠖田不蝗過客盤
餐聊一快

渡三义河沙滋唐三水合流於此

百里平陂際白沙滋唐兩派匯三义樹頭小扇風旗影舊識中羊

村賣酒家名

重入東鹿境宿清官店先寄兒建十二韻

上谷南來少戍墩

自張墩以南道旁無墩

天寒日薄易黄昏重穿野水平沙路又宿柴門

老樹村地遠郊圻殊僻左人隨歲月劇驚奔遠迎何敢煩丞尉

黃丞趙尉至此相迎

惟欣長子孫顧我便能偕隱否問渠可有去思存

時兒建循例量移將離任矣

一家飽暖踰

初望百里絃歌盡國恩捧檄當時聊自慰折腰今日且休論仰邀天幸年頻

稔下賴民淳訟少寃成就汝爲無過吏保全家是舊清門雖無餘力營三徑已

忝廉名達九闈酒盞久拋思共把燈花何喜遽能繁明朝飲馬滹沱側好對

清流驗鸞痕

乙亥秋與許霜巖同過深州忽忽十二年矣重經此地題壁依然時許
遠宦滇南口占寄之

飛鴻一散天南北指爪痕從壞壁留惆悵城南獨吟客夕陽隨影過深州

饒陽道中作

我前冬日暖我後北風狂向背苟異宜一身判陰陽矧乃別形體疾痛焉能詳
造物豈不仁饑寒盈道傍目存力匪逮惻惻中自傷

曉發河間黃昏抵大城縣

瀛海東來路漫漫百里長田荒薪比桂潦退艤如霜牛跡迷朝霧鴉聲散夕陽
誰憐畿內地經眼有蒼涼

奉謁座主少宗伯許公於大城官署敬呈二律

一城斗大控河壩析木遙從天漢連永賴渠成傳萬世暫勞公出已三年

時子牙河

堤告成報續不遠矣

棠陰樹樹堤邊柳膏澤村村葑上田漳滏滹沱皆底績不曾輕費水

衡錢

秩宗兼職領司空畿輔行看奏禹功憶送氈車衝朔雪重來冰署坐春風何人
愛士同迂叟從此歸田望醉翁準備籃輿候三徑先傳鄉信到江東

曲路店遇吳元朗

去國非初約相逢泪一揮余因營葬出君亦帶星歸

時元朗
丁內艱

衰柳催蓬髻枯風

裂布衣半生知己分到此倍依依

大風抵張夏戲題旅壁

四幅帷裳巧障風到來村巷聚兒童此中閉置疑新婦一咲那知是老翁

嵩山柏

戢戢排行欲及千黃楊小厄故依然廿年野火荒山道看爾幾成劫後仙

長清山行

曉露趁殘更荒雞失次鳴嚴霜升井氣落木走風聲磴道衝沙聚山牆疊石成
大都生瘵俗磊塊總難平

泰安州題壁

少負狂名老好奇逢山興發尙淋漓如何十度城南宿不敢輕題望岱詩

長至日山左道中卽目書懷二十四韻

一線添歸日初陽放曉晴細泉冰底咽枯草燒餘萌土瘠逢人問年衰換節驚
滿前憐凍餒卽事歎淒清此地初荒旱相傳半死生 至尊憂獨切當事責差
輕足陌千緡給留漕萬數盈不教移積粟專欲活殘吐碩鼠成羣聚哀鴻四散
鳴民貧寧樂禍官賑特空名受爵能無愧增階竟冒榮牛羊難問種雞犬乍聞
聲正使流亡復懸知疾苦併如何經儉歲尙爾廢深耕堊飾郵亭麗修治平聲道
路平成旗雙隻埃墟落短長程僅免追呼擾幾同力役征辛勤偕婦女率作及
兒嬰望幸心雖結安巢計未成 皇仁終見憫吏治亟宜更自唉犁鋤叟來隨
商旅行何曾受芻牧直是惜嫠惻暖律回鄉夢寒灰付宦情所祈年穀熟終老
臥柴荆

羊太傅故里

班書源可考系出泰山羊世已經千載魂應戀故鄉功名論際會氏族閱興亡
峴首沈碑後何須感數長

新泰城南望嶺山

孤峯截斷連山脈大似人間獨立人地湧雲根浮縹緲一名青雲山天生石骨瘦嶙

峒仰瞻泰岱旁無附平揖徂徠近作隣不用多生閒草木免教榮落改冬春

旅店食雉兔作

頻歲叨陪獵秋田雉兔肥中官馳馬 賜侍從掛鞍歸北上何年再南烹此味

稀經過慙野饋寂寞慰朝饑

蒙陰城東十餘里地名城子莊壬午初秋曾一飯於此水旱之餘居民

百餘家轉徙殆盡惟舊時逆旅主人在耳感歎不已紀之以詩

敗茅頽壁兩三間百室漂流偶一還記得往年題句在豆花棚下看蒙山

抱犢詞桃墟道中見一老叟抱黃犢騎驢而行戲作

東村牛旣秋不熟別向村西買黃犢買成抱上蹇驢騎驢尾稀如翁鬢禿驢今

馱翁復馱畜步步施鞭毋乃酷人情厚薄從古然或加諸膝或墜淵

古明鏡詞見道旁醜婦而作

人間有真色嬌者顏如蓮東家欲效之紅白調朱鉛衆方賞塗抹羣謂醜者妍
好女不自明詎藉旁人憐妍媸果若從人定何用團團鑄明鏡

沂州出山

沙淺沙深突復坳一行疎樹帶烟郊山經齊魯青纔了馬渡洗沂碧未膠小圃
重樊因枳棋浮橋粗就賴蘆芰經旬尙滯黃河北漸喜魚羹入客庖

淮北聞雁

風急霜清欲渡淮數聲客夢驀驚回與誰好作江湖伴東坡詩我哀寄江
湖老伴雜鵝鳴憐汝

亦從邊塞來殘月曉催千片落長天寒曳一繩開蓮房菰米沈波後集澤羣多

亦可哀夏秋之交淮
南北皆被水

從宿遷登舟連夜渡河

勞筋貪暫息買棹聽漁歌漸與江淮近自然鴻雁多涸沙無斷岸急浪有盤渦

忽報晨冰合吾舟已渡河

黃河中流見月出口占一絕

誰謂河流濁吾疑徹底清一眉殘月影鏡裏看初生

發清江浦二首

南來步步遠風霾川路晨征一倍佳竹笳蒲帆渾不用櫓聲如雁下長淮
編蘆縛荻聚成堆大舸多從江外來試問老堤堤畔柳年年辛苦爲誰栽

重晤大司農徐浩軒先生於淮上二首

邊風朔雪灑重裘猶記錄車一夕留却到淮陽冬候暖滿窗紅日話中秋

中秋前

生復命至塞外于柳林口行帳中盤桓半日

河堤本是司空職計相重乘使者輶館閣人情久延竚江湖粗了合還朝

先生以大

司農兼翰林掌院教習庶常似不應久于外故云

張運青先生見餉食物遣人遠致于四十里外以詩奉謝

見說官廚儉淮流孰與清於公無媿色餉我見真情追送煩郵使分嘗徧老兵

道旁傳異事此客勿相輕

寶應雨泊

冒雨衝泥取次行多年不聽滴篷聲此聲好是治蠱藥老耳孤燈分外清

曉晴發寶應喜得順風先寄德尹揚州

安宜城外雨餘天晨旭初生血樣鮮湖似貫珠行不盡

秦少游詩高郵西北多巨湖纍纍相連如貫珠

雲隨飛鳥勢爭先離心各抱三年外短夢難禁兩日前一事報渠差快意好風

添送順流船

掛帆行六十里將抵界首風勢轉狂小舟不敢下閘戲成二絕

閘口狂風撼柁樓隄邊驚浪聚浮漚何妨暫作須臾住只算荒灣遇石尤

石尤風緊人知避我獨逡巡避順風不謂有風行不得掛帆何必急流中

高郵道中

北風吹折荒灘蘆四無頃畝純浸湖周遭三十六陂水中置一城形覆孟

蔣詩奇

中間可以置戍城城頭角聲曉如訴城外人家半漁戶我來正及積潦收但見

隱然高阜如覆孟

飛鳧導前路買魚射鴨值幾錢所愁米貴廚無烟水鄉作客大不易嗟爾居民誠可憐

大雪夜泊瓜洲二首

茱萸灣北晨沽酒瓜字洲南夜泊船我自只如常日醉人言風雪滿江天
歸途未免防冰雪一月晴和竟似春今日漁蓑堪入畫天公原不薄歸人

雪後渡揚子江

廿里風程一霎間海門晴色帶潮還白頭浪裏參差影看盡江南雪後山

舟過丹陽有感於范堯夫事漫成一律

郵籤朝過曲阿城又是江東第二程一刺投名羞俗態十年爲客見人情當時已少郭元振故友誰如石曼卿預遣家書刻歸日兒童不用遠相迎

是日遣老僕先歸

三十年來舟過無錫未嘗再游惠山口占解嘲

來往如梭三十年不曾重酌德池泉他時終作法雲老償取平生未了緣

膠山在無錫縣東四十里九域志云山南有梁蕭侍郎故宅今無可考

矣

蕭蕭雁鷺鳴枯蒲南朝侍郎宅有無膠山漸近惠山遠中隔芙蓉一片湖

渡尚父湖晚抵虞山二首

烟村雨浦遞灣渾忽入澄湖杳藹間常愛大癡橫幅好不知粉本在虞山

長松高下蔭坡陀老柳參差蘸碧波咫尺吳門風景別山塘十里稻堆多

過錢玉友河亭話舊二首時已收身奉佛但未廢飲耳

團蒲旁着一龕燈韉鎖中無杜伯升事見東坡詩長恐入門遭痛棒對君吾是啞羊

僧

不愛天花作道場萬緣消盡酒難忘白樂天有何處難忘酒詩從今方丈維摩室添辦清香

祀杜康

與許暘谷時許初自山右歸

一咲還家未覺貧奉承堂上白頭親可憐我亦稱人子負米歸來晚為身少陵詩負

米晚為身每食臉必炫

西阡雜感五首

銜恤三十年今方卜城域有身彌自痛負土假人力

其二

兩山如袂抱一水縈紆注落葉滿西阡別家墳上樹

其三

陂陁非丈五馬鬣是新封小著樊籬護須防鹿觸松

其四

墓田故無多又占數間屋庶望子孫賢既耕且還讀

其五

一門四兄弟去住難自主丙舍幸已成神傷對牀兩

時潤木乞假未得

除夕與德尹信菴守歲二首

馱雞斝酒餞殘年餽歲鄉風自昔傳不爲盤餐營口腹老來情味合歸田

家貧未免思游宦及至成名累有官畢竟商量何計穩白頭兄弟一堂難

迎鑾集

起丁亥正月盡一年

丙戌偪臘抵家營先人葬事畢將於西阡築舍爲休息計會天子閱河
南巡在籍臣僚例應遠迎明年正月買舟渡河隨鑾自淮陽抵江寧至
蘇杭五月初於高郵送駕再展六月之假乃復歸里通計一年中息肩
不過二百日懶不作詩僅得如干首

園梅垂放而主人將出門口占一絕

冰雪禁繁蕊莓苔裹老枝吾閒猶未得不謂爾開遲

錢玉友有見寄長篇極論作詩之旨終以傳世相期許兼承不朽之託
連日阻風虎丘舟中無事賦此奉酬

吾觀工畫人胸本蘊丘壑雲烟資變幻山水赴脈絡又聞國手碁惜子不輕落
翻新布奇勢全局如一著良醫去成見因病施方藥巧匠先量材運斤乃盤礴
羿射無詭遇騶琴有醜攫高僧厭苦空八棒解拘縛老仙出狡獪九鎖啓橐籥
惟詩亦云然衆美視斟酌神功須力到佳境豈意度人皆信手成熟肯苦心作

同心得錢子洞見非隔膜惜哉方逃禪此道付糟粕偶然一吐露萬象互醅酢
足知精進幢隨事無退却投篇過推許不量余所作平生知己分夙昔慎唯諾
寧待遲暮年重爲不朽託君其益自愛藏藁手親削

玉友近編所作詩
九卷名撫雲集

夜泊京口

誰信勞生有路難山川猶作故鄉看風翻石壁連城動潮滿江船出口寬細火
一星疑遠市重裘二月尙春寒東君不管梅花信任向高樓笛裏殘

奉和座主相國澤州公吳橋道中見寄之作敬次原韻

時扈
南巡 蹕

浮浮薊北烟曖曖江南樹聞公陪輦出延竚凡幾度早梅已飄香繁杏亦修嫵
惟占燕雀喜詎觸蛟蜃怒挂席下清淮馳情快前遇詩高有孤唱興愜無長路
絮暖菜萸灣風輕桃葉渡舊遊吟未足更向湖山去

院長揆公出都時亦有詩見寄清江舟中出以索和奉次原韻並簡唐

東江考功

清音天半落松杉吟傍仙舟響亦凡夜雨一篙平岸水春蒲十幅渡河帆不辭

醉咏花欹帽預擬題襟墨漬衫爲報東江老居士速馳詩遞答來函

揚州城外觀燈船和友人韻二首

琉璃一片映珊瑚上有青天下有湖岸岸樓臺開畫錦船船絃索曳歌珠二分
明月收光避千隊驪龍逐仗趨不爲水嬉誇盛事萬人連夕樂堯衢

錦纜朱欄綵鷁羣滿川春暖氣如熏倒窺銀海千枝燄迸散金波五色雲雁齒
初裝虹有暈魚鱗不動水無紋 君王到處皆勤政猶自宵衣坐夜分

題湘雨禪師宙亭詩集後師乞余作序故落句及之

九僧歿後名僧少今見詩中第十人傾倒盃囊千斛水洗空衣襪七條塵秋田
領鶴精神爽春谷聞蘭臭味親不敢與師多作序欲離文字證前因

初登金山

齋鐘浴鼓平生夢垂老方成扈蹕遊忽聽潮聲分兩派信知樹影在中流千櫓
雲霧浮孤塔三島樓臺聚一漚終脫朝衫穿野衲卓菴閒地幸相留

清明喜霽再登金山同院長作

片颿重過潤州城曙色東來海氣晴千點桃花一江水妙高峯下作清明

兩後隨 駕發龍潭抵江寧

晨隨羽衛發龍潭兩氣初收日色暹驛路馬嘶泥滑滑野田雉雒麥漸漸六朝
烟柳攀醫岸三月風花賣酒帘擊壤吹豳聲一概尙煩 停蹕問茆檐

隨 駕謁明太祖孝陵恭紀十二韻

明祖山林在 天家祀典昭千官隨虎旅 萬乘駐鸞鑣風雨東來近江關北
睇遙石城蟠脈厚靈谷蓄泉饒狐兔何曾窟松楸竟不凋運雖經鼎革 詔特
禁芻蕘下馬坊猶聳稜恩殿忍燒遺民安率土 聖主念前朝本以仁除暴還
同舜紹堯統傳心有契社廢廟無祧陵戶煩增置神宮儼舊寮霸圖卑六代園
寢任蕭條

院長見贈大篇過蒙推獎次韻奉酬

騷雅本正聲沿流乃盡變前賢不苟作寸錦勝匹練自從篇什繁觀者目易眩
公才擬日星有作万人見圭璋既特達氣類必引薦賞奇神有交嗜善誨不倦

手持大圓鏡盡攝諸方彥高談折深源小智窮曼倩伊余好唵咏宿昔弄柔翰
駑駘百舍趨追驥不及半人言桃李春自顧桑榆晏雄辭荷獎借照眼驚璀璨
穆穆被清風嚶嚶發將旦和章如草木披拂聊供觀

自葑門至崑山舟中作

鯉魚橋外綵旗斜乙未亭邊鼓笛譁六十四涇烟水色半隨 鳳擘泛桃花

鯉魚

橋乙未亭皆在葑門外見丘與權築塘記六十四涇詳吳郡志中

立夏日吳山寓樓偕竹垞朱先生及鄭息廬馬衍齋素村家德尹為櫻
筍之會竹垞有詩和荅一首

夏木陰中夏日長小樓西面吸湖光簾櫳昨夜猶春雨花事今年偶故鄉佳節
重逢知幾度白頭一咲抵千場朱櫻紫筍家園味容易山廚得飽嘗

雨中隨 駕泛舟西湖次院長韻五首

看山曾向雨絲中青苧竿頭弱柳風今日船從天上坐亭臺不與昔年同
沿隄畫槳愛徐行但換橋坊不改名水墨圖中天一色鷺鷥幾點去分明

澄波何處著纖埃寺面多從鏡裏開
放鶴亭邊聊一憩居僧猶記探梅來
搖曳垂楊淺水灣心隨魚鳥欲忘還
裏湖行盡外湖出又露西南兩角山
老去論詩敢自豪從公遊興尙陶陶
袖中攜得西湖去十幅吟箋勝薛濤

昭慶僧樓同年修淵若學士步月見訪

滿川烟火氣熏蒸誰解敲門問老僧
多謝同年能見訪上樓初點佛前燈

是夕湖舫

烟火最盛

和淵若學士西湖雜咏四首

短牆高閣俯層瀾中有幽人洗眼看
漫道放船隨處好烟波終讓外湖寬

時淵若寓

外段橋

雙鳩啼雨又連朝濕翠濛濛隔岸遙
好片蘇公隄畔柳映人騎馬渡虹橋
賀監狂名老在無酒船一櫂未應孤心
知不及閒鷗鷺拂雨翹烟占此湖
四圍圖畫本天成三面雲山一面城
多少才人吟不盡尙留佳句待先生

雨中過南湖訪老友盛鶴江二首

幾稍新竹透籬根一片蒼苔印屐痕六七年來閒不出感君為我特開門
烟雨迷離又一春舊遊如夢亦如塵萬緣消盡詩名在猶替南湖作主人

隨 駕重至虎丘寓直仰蘇樓下

好片生公石重來似十洲為逢僧話舊猶認仰蘇樓

聞兒建到家之信

為貧而仕全家出末路何堪久別離書卷拋來飽魚蠹田園荒後長榛茨急流
自信差能退廉吏誰云不可為比似遷官還校喜燈花為汝報歸期

吳門舟次喜遇潤木假歸

誰傳遠信自京華聞汝歸程漸有涯驟見尚疑俱作客昨歸翻怪不同車半年
冰雪愁為減一飯江湖勸互加錯料老夫詩是讖白頭兄弟盡還家

予去年除夕詩有白

頭兄弟一堂難之句故云

重酌惠山泉

千章老樹蔭淳泓不忝茶經第二名急借匏尊蠲久渴旋敲石火試新烹僧無

吝色從多汲客有餘甘爲一清挈得餅罌須穩載免教地主累張衡

奉謁侍讀秦公於寄暢園敬呈五章

石龍噴沫轉堦除平碧中涵萬綠俱信是有源能不竭旁分一派給僧廚

合抱凌雲勢不孤名材得並豫章無平安上報 天顏喜此樹江南只一株

園中

樟樹一本乃數百年物上嘗傳問此樹無恙故云

山光水色盡沾 恩風月兼留雨露痕 堂中有山光水色松風水月諸額皆十餘年來 御筆屢次題賜者 頭白

村翁傳盛事 鑾輿六度幸名園

德門子弟媿荀陳再見瓊枝玉樹新 謂洛生 喬梓 却笑平泉空作記世家難得是文

人

韓公文體杜詩名謝傅家聲白宦情四海只今無執友從遊應許老門生 辛酉先生

典試江西廬陵彭公是科所得士慎行癸酉舉京兆又出彭公門下例得稱門生

麥秋

桑疇宜暖麥宜寒 宵旰憂勤亦少寬親見江淮民樂業清和天氣好 回鑾

邵伯埭送 駕後歸舟即事二首

埭南埭北鯨魚肥斗野亭邊興不違說與故人應惜別千帆送盡一帆歸
高寶中央地最低秧針浮水水浮畦霑沙雨足牛蹄健萬頃湖田盡架犁

與德尹自揚州連舫渡江

梅花開後草堂前準擬春來共醉眠此福兩人消不得半年五上渡江船

入夏苦旱六月十五早偕鄉人禱雨烏龍井步至菩提山真如寺二首

淡月朦朧般若臺沈沈海岸蔽黃埃可憐我本無田者足蠶荒山乞雨來

皐蘇遺廟在巖阿潛說友臨安志云鹽官縣東七十里有烏龍井廣四尺深七尺冬夏不竭相傳皐蘇二將軍逐黃巢死於此因祠焉紹興

十年歲旱禱雨即應勅賜濟福廟額在寺南六里古井年深不起波好笑兩三垂白叟便思泥首致滂

沈

耳聾

五官初廢一萬竅為收聲絲竹吾何與雷霆衆自驚少聞差省事多笑豈無情

社酒如堪治明年試聽鶯

十月十七日病起過鄰僧融然房看菊

閒僧仍種菊病叟偶還鄉物色憐寒蝶人情愛晚香
開遲經夏旱節爽似秋涼對此增怊悵吾家徑久荒

周濂溪先生家塾銅章一枚形製奇古其裔孫歷世寶藏來索題句敬賦一章

道州巖起千年下聖學昭如揭日星遂使大儒承統系猶留小器覩儀刑
摩挲繆篆蟲魚古洗剔銅花翡翠青不比還珠空寶釧子孫長得護精靈

天寧詩僧文緯見過

夕陽影裏鴉投樹落葉聲中犬吠船久矣蓬門無剝啄偶然葦岸有緣沿孤吟
喜接金蘭友一味能參玉版禪

時以冬
笋見餉

絕勝地爐煨芋在爲師飽喫送殘年

敬業堂詩集卷三十四

敬業堂詩集

卷三十四

十三 中華書局聚

樂業堂精義卷三十四

東坡坡北嶺魚池其地甚佳...

高賢中其地甚佳...

喜赴金蘭末一週...

文期適逢...

天寧每翰文翰良盛...

嘉業堂為古村...

嘉業堂...

嘉業堂...

風氣與夫...

...

...

...

敬業堂詩集卷三十五目錄

還朝集

立春後五日清溪舟中大雪留別談未菴徐任可十二韻

聞少詹姪京邸訃音時余方東北裝先馳詩四章哭之

過梅里爲竹垞先生留一日 虎丘花信樓與馬素村別

丹陽卽目 重過高旻寺留別湘雨長老

雪後晚抵儀真 江浦農家

滁州看山 欲遊瑯邪山尋醉翁亭不果

清流關 磨盤山

池河驛 臨淮縣渡河

淮北道中 冒雨發皇莊入靈壁境泥淖甚深兢

兢有失足之慮車中口占 宿州村家有種柏作籬者戲嘲之

春寒 旅店食紅蓮米飯

永城縣署與唐殿宣欽別

道旁官柳一樹獨枯

商丘道上戲作兼寄同年宋山言二首

寧陵喜雨

贈正華長老 并序

伯牛岡在杞縣城東上有冉子廟地非孔道行人罕有過而問者

重至陳留縣齋與許不器話舊二首 盤山

大雪暮抵開封湯西崖前輩留飲學署二首 亦山詩編餘亭不果

徐大來太守送黃河水

雪後發汴城

渡黃河

延津城北望太行山雨具未

早過淇縣 許大生留一日

渡淇水 許大生留一日

鄴下雜咏四首 信音祖余大東北楚 雨後發豐樂鎮渡漳河

醴渠詩 并序

題邯鄲呂仙祠壁

臨洛關

自裕禪店騎驢至沙河

鴉食粒行 二十五目錄

渡泚水有感於張陳事

上巳趙州道中二首

與張昆詒

定武道中

堯母泉在慶都城南源發于平地四

時不涸環城數十里間居民頗獲其利

保陽城西望落翻山

狂風行

清明前三日重直 暢春園觀桃花二首

同年王樓村招飲白丁香花下

閏三月朔與德尹同直內廷次東坡

五月一日轉對韻

苑東移居與同年汪紫滄同寓紫滄

有詩和答二首

同年佟淵若學士遊西山歸出示見

寄二絕句次韻奉答

題顧桓吳江送別圖爲紀可亭學博

賦

閏月十四日西苑送春二首

閏三月二十一日蒙 恩召入淵鑒齋乘舟至瑞景軒蕊珠院露華樓徧

觀各種牡丹恭紀四首

寓庭槐

四月二日 恩賜櫻桃恭紀十韻

題孫書年松下清齋圖

西苑 賜觀秧田恭紀十二韻

四月二十七日 召入無逸齋看新

竹恭紀十二韻

題王麟昭桐陰撫琴畫扇

午日西苑直廬賦雨中榴花

...

...

敬業堂詩集卷三十五目錄

...

...

...

...

...

...

...

...

...

...

...

...

敬業堂詩集卷三十五

海寧 查慎行 悔餘

還朝集

起戊子正月盡五月

家居一年展限已滿州縣敦迫就道勢難逡巡一術士語余曰君欲賦遂初其在壬癸之交乎余笑而領之既至都仍內直昔楊誠齋自江西召還陸務觀有相賀歸館之作今集中所載朝天續集此其時也後五年從江東賦歸果若術士言則余之退休亦不遠矣

立春後五日清溪舟中大雪留別談未菴徐任可十二韻

四野雲俄合孤舟凍始消東風鳴昨夜大雪灑今朝邂逅成奇特斯須破寂寥
連峯胥挺玉衆水畢趨蒼委浪疑鋪練投村誤斷橋微嫌經臘少偏愛入春饒
亞白回梅眼誇輕鬪柳腰近人何脈脈隨我太飄飄吟對知才減寒禁待酒澆
畫圖愁去國蹤跡咲還朝

時余將北上

莫便欺蘭蕙終須別艾蕭溪山有迷路長

恐失漁樵

聞少詹姪京邸訃音時余方東北裝先馳詩四章哭之

忽馳家信入新春凶問初傳或未真共訝緘封纔偏臘不知屬纊已經旬 兩

宮遣問無虛日一姓哀榮得幾人屈指輻車定南下空將老泪灑征塵

早年同學晚同官永訣俄從小別拚去年四月杪與聲山別於揚州哭有餘哀何日盡死無留

憾古來難層宵路近瞻 雙闕淺土年深痛兩棺臯復有靈知不瞑側身天地

荷

恩寬

家門先後忝科名臚唱同聽第四聲遲汝八年稱後輩丁丑春聲山從庶常授編修余授職在甲申冬

月相距長余一月禮先兄余兩人皆庚寅生而聲山長余一月籍咸入社名相

亞廣受還鄉夢隔生從此孤蹤兼善病菟裘知復幾時營

推挽無端到不才王程何處不追陪每當 宣喚慙臣老嘗蒙姪故呼慎行曰老查

特被 恩頒恤爾衰丙戌十月姪病不入直出人參一斤命慎行賣賜上 七發同朝皆屬望三年一病

竟摧頽可憐烹鯉沈綿候猶寄音書促我來

過梅里爲竹垞先生留一日

鄭重還山約餘年準擬同如何向岐路又復轉孤蓬過酒衝筵雪維舟拍岸風
我衰公早白告別敢怱怱

虎丘花信樓與馬素村別

樓頭樹色已葱葱樓外烟光薄未融客況前遊前度夢
去年二月泊舟樓下五日乃渡江 春程

一雨一番風綠蕪望極空濛際白髮痕深聚散中多感故人臨別意揮絃遙送
倦飛鴻

丹陽卽目

連檣旁有小車行不斷伊鴉軋軋聲夾岸坡陀帶殘雪麥苗青上曲阿城

重過高旻寺留別湘雨長老

茱萸灣口記停船再叩禪扉已隔年四海僧皈康寶月三生人說杜樊川閒投
拄杖殘雲外倦倚征帆落照前等是有山歸未得憐師還復望師憐

雪後晚抵儀真

白沙一道走平川野有耕犁步有船
方頃瓊田鋪宿麥幾村茅屋起蒼烟
新泥滑路逢初霽枯樹攀條感昔年
曾是阻風中酒地老來情緒倍依然
乙亥秋從六合發舟

江浦農家

江邑連年旱為農詎免饑牛羊誰是牧
雀鼠自能肥野廢林廬在城蕪戶口稀
眼看春社近倘與燕同歸

滁州看山

霧薄疎林晴曖曖雪消幽澗響潺潺
曉來衝霧踏殘雪愛看環滁面面山
欲遊瑯邪山尋醉翁亭不果

征輪兀兀鬢催斑誰遣勞薪不暫閒
咫尺西亭行不到又隨春雁度關山
土人呼清

流關為關山

清流關

一綫飛流百丈清洩雲歎雨落崢嶸時
平久罷中原戍地險猶沿五代名
琴筑

低昂因石勢風濤起滅付松聲瓦銚茶熟行人渴只有閒僧管送迎

磨盤山

勿論九折與千盤涉足誰如此路寬羊角旋風隨曲曲磨牛陳跡轉團團連雲
取棧紆終到峻坂迴車下最難不是人間無捷徑漸鴻原自喜盤桓

池河驛

古驛千家聚鍾離北望孤河流近淮泗山脈盡荆塗客飮論珠貴村醪計盞沽
明朝貪早發前路入平蕪

臨淮縣渡河

暴漲衝橋斷孤城比石堅中流聲沸地別浦氣沈烟渴虎憎關吏饑烏仰客船
渡淮魚米賤隣壤接豐年

淮北道中

隔岸草攖攖人家綠映檐泥中逢驛騎樹杪展風帆暮色遙天落春寒細雨攙
故鄉行漸遠猶未換春衫

冒雨發皇莊入靈壁境泥淖甚深兢兢有失足之慮車中口占

泥濘忽如許行行險且紆平生無闊步老去復長途不少前車鑒誰為將伯呼
短筇吾賴汝緩急幸攜扶

宿州村家有種柏作籬者戲嘲之

數椽曲木架茅茨雨打風翻大半欹多少荆榛寬束縛屈將翠柏作樊籬

春寒

杏蕊稀疎莒葉短田家占候幾回過春光只似宦情冷自渡江來風雨多

旅店食紅蓮米飯

見說太丘產紅蓮稻最良色疑新出水粒愛乍除芒少陵詩除芒子粒紅浙罷鮮于染炊

來軟更鄉曾蒙 天上賜往年隨外官廚會賜食一飯愧私嘗

永城縣署與唐殿宣飲別

共作風塵吏聊追夙昔歡分攜頻改歲相勸一加餐酒綠禁愁淺燈紅欲別難

老深兒女戀直似故鄉看君之長子余姪壻也余姪又為君壻時皆在座

道旁官柳一樹獨枯

同根連理枝一樣被風吹莫問榮枯意春工兩不知

商丘道上戲作兼寄同年宋山言二首

少治春秋老漸疑宋都舊事記依稀近來六鷁多爭進幾見因風稍退飛
梁園春半好風光紅杏開隣宋玉牆苦被時名牽率去一官頭白校書忙

寧陵喜雨

客過中州愛物華沙隨城外氣清嘉
輓轡轉井晨澆菜榻稜開田午種花

地產木棉

土人但呼爲花今其下種時也

色暎酒壚三尺紵聲和牛鐸四輪車空傳杞宋遺風在喬木何

曾屬世家

贈正華長老并序

去睢州城北十里道旁梵宇俗呼鐵佛寺持住長老吳人也自言蘇州嚴墓

李氏子少依巨德禪師記荊法名正華康熙庚申渡江北遊將赴五臺禮文

殊瑞像一夕經此坐道旁臥鐘下諦視則李正華姓名在焉恍然悟前生之

為行脚僧也茲地舊有佛廬明季燬於兵火遂發願募化銖積寸累經二十餘年乃薙草開林凡為殿四重莊嚴像設廊廡周遭僧寮及庖福之所共六十餘間仍以餘金買常住田二頃飯南北往來緇眾今寺成而年老矣余觀而異之為詳記始末并贈以詩

曾為行脚此經行聚鐵依稀鑄姓名重向荒村投一宿忽從古佛證前生斧斯荆棘還初地海湧樓臺現化城用盡萬金殘債了結跏依舊聽鐘聲

伯牛岡在杞縣城東上有冉子廟地非孔道行人罕有過而問者

垂鞭來問伯牛岡叟扶犁過我旁指點人烟最深處一村新柳似鵝黃

重至陳留縣齋與許不器話舊二首

小許移官去回頭十四年

乙亥秋許霜岩出宰茲邑邀余同來留此兩月

故人今宦此古義兩殷然種

樹添新蔭開池得美泉重來娛老眼光景勝從前

不料衝煩邑衙齋乃爾閒簿書神不滯交友性相關却醜安余素居貧諒汝艱

一杯渾暖熟相顧慰衰顏

是日大風寒甚

大雪暮抵開封湯西崖前輩留飲學署二首

二月梁園雪春風特地寒
行防街路滑到及酒升寬
物色符清望交情稱冷官
庭花經手植何惜借人看

一代文章伯中原桃李陰
青春聊作伴白髮莫相侵
與國培元氣於公識苦心
人知讀書貴土價比黃金

徐大來太守送黃河水

汴俗多鹽井黃流遠不侵
兩牛煩重載斛水抵兼金
澹泊知官味清涼鑒客心
飲河還自哂滿腹恐難禁

雪後發汴城

三日大梁住北風吹不休
朝來開霽景擬上渡河舟
此地多賢主吾生感舊遊
吹臺桃柳色臨老重回頭

渡黃河

地勢豁中州黃河掌上流
岸低沙易涸天遠樹全浮
梁宋回頭失徐淮極目收

身輕往來便自歎不如鷗

延津城北望太行山

河壩一小縣傳是廩延城野燒痕猶在沙田廢不耕民謠思樂土客飯記荒程
指點鹽車路千峯馬首晴

早過淇縣

高登橋下水湯湯朝涉河邊露氣涼
高登橋朝涉河皆在城南行過淇園天未曉一痕殘月

杏花香

渡淇水

昨日渡衛源今朝涉淇水出山雖異派相望不百里遊子中原來黃流混混耳
忽然鑿毛髮顧影落清泚風塵有顰顏夫豈水污爾從衰旋得白正坐不知止
逝者方如斯於何觀止理寓形忌太潔外垢庶可洗

鄴下雜咏四首

湯陰城外千楊柳密罩征鞍過相州中有一株柔可愛勸人繫馬拂人頭

一賦何當敵兩京也知土木費經營濁漳確是無情物流盡繁華只此聲

頑礫粗礪少硯材詞人陳跡散如灰兩家搏土殊多事曾範三臺舊瓦來

一月寒禁幾信風初從河北聽靈臺老夫準備看花眼半日停鞭住鄴中

是夕雷雨

雨後發豐樂鎮渡漳河

雷雨已過朝復暎早桃欲花烟滿村夢中似聞簷滴響渡口微覺河流渾青山

濛濛作雲氣白浪滾滾留沙痕滏陽北望三十里舊事過眼從誰論

曩與許霜岩過此有

芰荷香裏到磁州之句

醴渠詩并序

磁州在漳滏二水閒大興蔣侯來知州事始至相度地勢慨然思復西門豹

史起之舊謀於州之士民咸慮勞且費侯獨違羣議毅然爲之醴滏陽河爲

渠以灌城南北渠之廣不過一丈深半之曲折通流建閘以驗盈縮旱潦有

備蓄洩以時行之十年開稻田數萬頃歲收數十萬斛初以爲不便者後皆

帖帖謂侯之惠愛斯人惟斷乃成也侯名擢字試可余未識其人過其境聞

父老之言有古循吏之風焉作詩以俟采風者

一州頓復西門績南北驪流引滄河綠樹成陰茅屋少清渠夾鏡稻田多年深
漸欲孳魚蟹利美兼宜植芰荷他日誰裁溝洫志吾詩或可當絃歌

題邯鄲呂仙祠壁

百念全消一老夫神仙不信信浮屠直饒贈枕成何用鼻息如雷夢已無

臨洛關

臨洛關前春水綠草色平鋪接沙麓戍人閒雜老農耕拾得前朝戰場鏃

自裕禪店騎驢至沙河

遙遙沙河城晶晶堆坳白驢耳露雙尖驢蹄深一尺

鴉拾粒行

牛前仰而犁鴉後俛以拾牛豈爲鴉耕鴉因牛得粒農夫呵牛長苦饑不如鴉

羣飽食東西飛

渡泚水有感於張陳事

泚河直下常山郡誰遣當年竟不流此事終留交道恨萬屍填塹斬兩人仇

上巳趙州道中二首

幾日冰開合餘寒勒柳條

十日前中州已見杏花而邯鄲以
北柳未全綠氣候之不同如此

水濱遊女少閒殺

趙州橋

平原留故里牢落幾人家客過誰澆酒僧來且喫茶

與張昆詒

時宰
新樂

惠好自兒童相看忽老翁以君三歲長與我兩心同書畫性成癖絃歌聲可風
桑榆須早計歸路免西東

定武道中

積雪春猶潦連朝釋凍痕鶯花何太晚榆柳不勝繁
賞酒中山市騎驢代北村
祇愁風色惡回首太行昏

堯母泉在慶都城南源發于平地四時不涸環城數十里間居民頗獲

其利

禹貢遺風冀壤先帝鄉耕鑿故依然繞城半食蒲荷利源在南鄉一眼泉

道旁石碑

稱堯母鄉第一泉

保陽城西望落翻山

不斷羊腸麓東來萬馬趨數峯銜落日此路出飛狐

狂風行

碧天杲杲日正中萬竅突發顛狂風塵沙滄勃晝冥晦瓦礫旋轉隨枯蓬使人
口吻不得張耳目成盲聾馬牛來往紛憧憧問之不辨西與東是時三月初柳
條舒綠桃將紅胡為噫此不平氣春行秋令毋乃違天公我行邂逅偶相值墨
守未易當輸攻心如混沌一不鑿外感欲入何由通適來日無影適去塵無蹤
盡收衆籟入橐籥仍以一寂還虛空

清明前三日重直 暢春園觀桃花二首

煖烟晴靄互交加散作高低遠近霞行盡人間冰雪路又來天上看穠華
已逢蛟蝶未聞鶯閨歲春遲倍有情畢竟鳳城花信準早桃開候近清明

同年王樓村招飲白丁香花下

我從鄉園來不看鄉園花
輸君京洛住久客還成家
一株丁香香高卑趁檐牙
曾經上番種旋發春來葩
獨抱冰雪姿亭亭遠塵沙
良辰醉其下酒美穀核嘉
夕陽轉庭西人影花交
加我鬚已半白君鬢亦漸華
自然法眼淨維摩經遠離塵埃得法眼
淨不被紅紫遮爲歡出邂逅
所戒非窮賒後漢仲長統傳論楚楚衣服戒在窮賒

閏三月朔與德尹同直內廷次東坡五月一日轉對韻

冠壓華顛帶繞腰
重來心跡負耕樵
僦居未穩避宵夢
接武還同隻日朝
上苑花開如見笑
故人酒熟例相要
殘年果踐歸休約
擊壤猶能頌帝堯

苑東移居與同年汪紫滄同寓紫滄有詩和答三首

近傍名園遠去郊
無多屋宇半編茅
春蠶慣作同功繭癸未以後偕紫滄下榻自怡園
社燕來

尋舊識巢景與征衫隨日換
官隨手板幾時拋
卜隣絕勝清漳宅
蛩駝相依剩

素交

茫茫人海此居停
萬斛風埃兩葉萍
草色堦除晴不掃
槐陰門扇晝長扃
同槽

廐馬無蹏嚙典謁家僮互使令怪底羣情皆帖妥多緣君與我忘形

西苑鶯花幾閱春憶初伴直只三人暢春園向未有直廬癸未正月三日余與聲山紫滄始奉召入直後遂為例何

堪夢覺傷存歿或恐詩成泣鬼神時家聲山甫下世所居即其舊寓也炳燭餘光銷晚境青雲岐

路失前因搏沙放手終同散東坡詩親友如搏沙放手旋復散敢向蘧廬認主賓

同年修淵若學士遊西山歸出示見寄二絕句次韻奉答

浮嵐暖翠望難分忽枉新篇贈白雲賴是愛山同有癖夢為麋鹿也隨君

西山何似西湖好欲問知章借馬騎今日烟波重到眼去年曾和卷中詩去年春抄

與淵若西湖唱和

題顧桓吳江送別圖為紀可亭學博賦

舟移碧草綠波岸人別曉風殘月時此景此圖誰會得江郎賦筆柳郎詞

閏月十四日西苑送春二首

九十春光百五賒綠陰陰處雨斜斜多情裂帛湖頭水長替東風掃落花

老去春遲願竟酬多添半月踏青遊人間何處無歸路也被宮鶯喚少留

閏三月二十一日蒙 恩召入淵鑿齋乘舟至瑞景軒蕊珠院露華樓
徧觀各種牡丹恭紀四首

宣喚欣承異數加高從銀漢泛紅槎行陪閨苑神仙侶看徧春風穩重花穠淡
何心隨造化丹青難貌是韶華

先一日傳示
牡丹圖譜

梅檀別殿分明到只作華胥好夢

誇

艷極真宜過雨看枝頭肅肅尙朝寒盤盃向背開瓊扇瓔珞高低現寶鬘白日
光中雲五色明波濯處錦千端天工頃刻呈新瑞點出靈砂九轉丹

萬卉千葩未覺稠掃宮老監記牙籌薊林不斷通三島花海無邊際十洲佳氣
氤氳蒸作霧餘霞縹緲結成樓蕊珠一本尤奇絕徑尺重臺兩並頭

瑤階鈎砌望迴環映徹層層着色山

御譜新標題品外

花名凡九十餘種
皆皇上新定

佳

名微別淺深間心如草木春知閨天並 君王霽在顏一片爐烟成百和袖中
攜得國香還

寓庭槐

庭隅雙槐樹手植知何人自我來此居婆婆忽經春初看兔目綻漸布綠葉勻
高處稍出牆密將遮比隣以茲尋丈地無窮寓清新千章豈不多取蔭及一身
閱人如傳舍脈脈還傷神

四月二日 恩賜櫻桃恭紀十韻

燦燦華林種離離朱實香熟常先夏果貢不待炎方磊砢初垂樹勻圓正滿筐
珊瑚駢火齊沆瀣和瓊漿露帶枝頭潤盤登葉底涼鳥鶯珠愛赤蜂釀蜜羞黃
櫻桃一名櫻 昨憶西湖獻去歲初夏 上駐蹕今來上苑嘗賜珍蒙見及飽食
珠一名崖蜜 感非常配筍廚空勅探花宴唐時宰相有櫻筍 分甘誰得似長侍 聖人

旁

題孫書年松下清齋圖

孫善山水近亦供奉畫苑

自從月給官倉粟辜負園中鴨脚葵思作散仙猶未得更思成佛問何時

西苑 賜觀秧田恭紀十二韻

帝籍非千畝農祥視一畦初聞朱果熟旋見綠針齊料節栽花地開醜灌稻溪

自天知稼穡率土動糴犂檻外雲生岫簾前雨作泥膏腴隨廣狹脈絡就高
低剡剡浮金淑葱蔥夾玉隄好風垂柳下斜日畫橋西多稌占豐稔維魚兆畢
圭甸師行不到勾盾典曾稽入侶金鸞鵲歸尋木馱驄自慙輸布穀猶解勸耕
啼

四月二十七日 召入無逸齋看新竹恭紀十二韻

地闢琅玕鵑天通箭栝門烟霄連別苑雷雨過前軒簌簌風開籜洄洄水注根
移栽初尙淺培護久能繁惜筍寧充饌抽梢盡出藩幾年成翠幙一徑轉蒼根
潤滴莓苔砌高扶薜荔垣涼陰清有氣新粉淨無痕直節人皆見虛心道亦存
律堪調鳳吹名豈愧龍孫好報平安信休辜長養 恩親從天上看 不羨白沙
村

題王麟昭桐陰撫琴畫扇

暑殘涼早雨餘天人坐桐窗晝寂然百尺清陰三尺水秋聲先上七條絃

午日西苑直廬賦雨中榴花

小院盆榴樹花時帶雨鮮
施朱何太赤似火獨能然
白髮違佳節丹心感盛年
蒲葵方滿眼此本定誰憐

敬業堂詩集卷三十五

四月二十日 各人無然...

和

主翁... 秋風... 日書... 古豐... 魚... 頭...

...